

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



六. 妙覺 – 普光明殿

| | | |
|----|---|----------|
| 力用 | 佛 | 佛不思議法品 |
| | 法 | 如來相海品 |
| | 僧 | 佛小相光明功德品 |
| 本體 | 僧 | 普賢菩薩行品 |
| | 法 | 寶王如來性起品 |
| | 佛 | 離世間品 |



華嚴經寶王如來性起品之一

| | | |
|---------------------|----|---------------------------------------------------------------------------------------------------------------------------------------------------------------------------------------------------------|
| 中道果光名如來出現入如來性起妙德菩薩頂 | | 爾時，如來眉間白毫相中放大光明，名曰明如來法，無量億那由他阿僧祇光以為眷屬，普照十方一切世界，圍遶十匝顯現如來無量自在，覺悟無數億那由他諸菩薩眾；一切世界六種震動，除滅一切諸惡道苦，映蔽一切諸魔光明，猶若聚墨，顯現一切如來菩提，顯現一切諸佛大眾究竟莊嚴，普照法界、虛空界等一切世界。復還圍遶一切菩薩諸大眾已，入如來性起妙德菩薩頂。 |
| 大眾念請 | | 爾時，一切大眾，心大歡喜，身意柔軟，作如是念：甚奇希有！如來今者放大光網，必當演說甚深正法。爾時，如來性起妙德菩薩，於蓮華座起，偏袒右肩，以右膝著蓮華臺上，一心合掌，正向如來，以偈頌曰： |
| 依十波羅蜜起十偈頌 | 佛 | 正覺一切法，究竟諸境界，三世大仙等，是故恭敬禮。 |
| | 法 | 究竟無相境，相好莊嚴身，普放離垢光，除滅一切魔。 |
| | 僧 | 震動十方界，一切諸佛刹，眾生不恐怖，是佛威神力。 |
| | 精進 | 安住如虛空，清淨法界等，除滅一切惡，令眾得清淨。 |
| | 禪定 | 無量劫苦行，一心求佛道，得無礙境智，與諸如來等。 |
| | 般若 | 普放無量光，震動一切刹，顯現自在力，來入我身中。 |
| | 方便 | 善學諸菩薩，皆悉來集會，是故我發心，應有法王事。 |
| | 願 | 大眾皆清淨，究竟菩薩行，智慧無染著，成就無所畏。 |
| | 力 | 大仙行無量，智慧力精進，開發菩薩心，如來甚深法。 |
| | 智 | 正覺微妙義，誰能演說者，我今欲請問，願佛為顯示。 |
| 口放光明名無礙無畏入普賢菩薩口 | | 說是偈已，時如來口中放大光明，名無礙無畏，無量億那由他阿僧祇光以為眷屬。普照十方一切世界，圍遶十匝顯現如來無量自在，覺悟無數億那由他諸菩薩眾，一切世界六種震動，除滅一切諸惡道苦，映蔽一切諸魔光明猶若聚墨，顯現一切如來菩提，顯現一切諸佛大眾究竟莊嚴，普照法界、虛空界等一切世界。復還圍遶一切菩薩諸大眾已，入普賢菩薩摩訶薩口。爾時，普賢菩薩摩訶薩身及師子座，殊勝百倍諸菩薩身及師子座，唯除如來所處之座。 |
| 乘佛力起問 | | 爾時，如來性起妙德菩薩問普賢菩薩摩訶薩言：佛子！佛所顯現大威神力不可思議，是何瑞相？ |
| 乘佛力作答 | | 爾時，普賢菩薩摩訶薩答如來性起妙德菩薩言：佛子！如我惟忖，如我所見，過去如來、應供、等正覺，放大光明，必說如來性起正法。是故今佛放大光明，顯自在力，必說如來性起正法。(普賢菩薩說如來出現，見附37) |
| 說云何知十種如來出現 | 佛 | 云何知如來出現之法(見附37-1) |
| | 法 | 云何見如來身(見附37-2) |
| | 僧 | 云何知如來音聲(見附37-3) |
| | 精進 | 云何知如來心(見附37-4) |
| | 禪定 | 云何知如來境界(見附37-5) |
| | 般若 | 云何知如來行(見附37-5) |
| | 方便 | 云何知如來成正覺(見附37-6) |
| | 願 | 云何知如來轉法輪(見附37-7) |
| | 力 | 云何知如來般涅槃(見附37-8) |
| | 智 | 云何知於如來見聞親近所種善根(見附37-9) |

華嚴經寶王如來性起品之二

| | | |
|---------|------------------|-------------------------------------------------------------------------------------------------------------------------------------------------------------------------------------------------------------|
| 佛波羅蜜 | 十方世界六種震動依自性地種種莊嚴 | 爾時，十方不可說不可說百千億那由他佛刹微塵等世界，六種震動：東涌西沒、西涌東沒、南涌北沒、北涌南沒、邊涌中沒、中涌邊沒；及十八相動，所謂：動、遍動、等遍動，起、遍起、等遍起，覺、遍覺、等遍覺，震、遍震、等遍震，吼、遍吼、等遍吼，涌、遍涌、等遍涌。 |
| | | 爾時，佛神力故，法如是故，雨眾華雲，勝過諸天；雨寶衣雲、蓋雲、幢雲、幡雲、香雲、塗香雲、鬘雲、莊嚴雲、眾寶雲、菩薩讚歎雲、菩薩身雲、三藐三菩提雲，普令不可思議世界皆悉清淨，雨如來妙音聲雲，充滿無量無邊法界。如此四天下，佛神力故，令諸菩薩皆大歡喜，一切十方亦復如是。 |
| 法波羅蜜 | 十方同名普賢如來 | 爾時，十方各過八十不可說百千億那由他佛刹微塵等世界之外，各有八十不可說百千億那由他世界微塵等如來，悉現其身，若近對面，同號普賢。現已，咸作是言： |
| | 十方普賢同說如來出現 | 善哉！善哉！佛子！乃能承佛神力，隨順深法解說不可思議如來性起正法。佛子！我等諸佛亦說此法，十方一切諸佛及諸菩薩亦復如是；說此經時，百千佛刹微塵等菩薩，得菩薩一切明，一切三昧，授一生記，當成阿耨多羅三藐三菩提。一佛刹微塵等眾生，發菩提心，我等悉與授記，於未來世當成佛道，悉同一號，號佛勝境界。 |
| 僧 | 十方普賢授記護持 | 是故，我等普為未來諸菩薩故，護持此經，令久住世。如此四天下所度眾生，十方無量阿僧祇不可思議、不可稱、不可量、不可說法界、虛空界等一切世界所度眾生，亦復如是。 |
| 二十波羅蜜成就 | 十方讚歎如來功德二十波羅蜜成就 | 盧舍那佛本願力故，法如是故，善根力故，如來無盡智故，如來不失時故，隨其所應化菩薩故，廣行普賢菩薩行故，示現一切種智故。（涅槃十波羅蜜成就） |
| | | 爾時，十方各過十不可說百千億那由他佛刹微塵等世界之外，各有十不可說百千億那由他佛刹微塵等菩薩，來詣此土，充滿一切法界，示現菩薩大妙莊嚴，放大光明網，震動一切世界，壞散一切諸魔宮殿，除滅一切惡道諸難，照明一切如來功德，讚歎一切如來正法，普雨無量無邊供養雲雨，示現無量種種異身，示現己身，是無量諸佛法門之器。（菩薩十波羅蜜成就） |
| 說法顯相 | 十方普賢作證同說 | 時，彼諸菩薩承佛神力，各作是言：善哉！善哉！佛子！乃能說是如來不可壞法。佛子！我等一切悉名普賢，於普光明世界普勝如來所淨修梵行；彼諸佛所亦說是經：如是句，如是味，如是行，如是相貌。佛子！我等承佛神力故，法如是故，於彼世界來詣此土，為汝作證。一切十方盡法界、虛空界等一切世界，亦復如是。（十方普光明世界普幢自在如來所同名普賢於一切處說同等法，異於普賢行品之十方普賢從普勝世界來，表如來出現品即自性地法成就故） |
| 普賢說偈結會 | | 爾時，普賢菩薩承佛神力，觀察一切諸菩薩眾。欲重明如來性起正法，欲說如來無量功德，欲明如來正法不可沮壞，欲生一切菩薩無量智慧法明，欲說一切具足佛法，欲觀察一切群生類心，欲隨所應化不失時，欲分別一切無量無邊菩薩正法，欲顯現一切如來變化自在莊嚴，欲明一切如來一身無異，欲出生一切菩薩無量本行，以偈頌曰： |
| | 佛 | 一切諸如來，所成就威儀，舉世悉稱譽，無能為譬喻。 |
| | | 為饒益眾生，令悉開解故，以非喻為喻，顯現真實義。 |
| | 法 | 如是微密法，無量劫難聞，精進智慧者，乃聞如來藏。 |
| | | 若有聞此經，歡喜恭敬者，此等已過去，供養無量佛。 |

華嚴經寶王如來性起品之三

| | | |
|--------|----|--------------------------|
| 結 會 | 僧 | 當知如此人，諸天常讚歎，一切諸善逝，攝取常守護。 |
| | | 一切諸善逝，世上世間勝，最勝歡喜眾，此經為內藏。 |
| | 結會 | 能出生無量，一切白淨道，是故離放逸，一心常奉持。 |

附37：華嚴經寶王如來性起品之知如來出現之一

| | | |
|-------------|--------------------------|---------------------------------------------------------------------------------------------------------------------|
| 知如來出現之法 | | 時，如來性起妙德菩薩聞如來性起正法名已，一切大地六種震動，出生無量論難光明。爾時，如來性起妙德菩薩問普賢菩薩摩訶薩言：佛子！云何菩薩摩訶薩知如來、應供、等正覺性起正法？(佛波羅蜜) |
| 成就根本智菩薩來集 | | 佛子！無數億那由他菩薩摩訶薩清淨眾會，善學修行清淨諸業；念慧成就諸佛莊嚴，究竟彼岸；住佛威儀具如來行，正念諸佛未曾散亂，大悲觀察一切眾生；決定智慧，分別菩薩諸妙神通；得佛神力，安住一切諸佛功德。成就如是無量功德，諸大菩薩皆來集會。 |
| 普賢菩薩已成就最上妙行 | | 仁者曾於無量億那由他佛所，恭敬供養種諸善根，成就菩薩無上妙行，諸三昧門皆得自在；深入一切如來祕密，於諸佛法除眾疑惑；深入佛法，善知一切眾生諸根，隨眾生性而為說法，隨順佛智分別演說一切佛法，究竟彼岸，成就如是等無量功德。 |
| 如來出現十種知法 | | 善哉！佛子！願說如來性起正法。爾時，如來性起妙德菩薩欲重明此義，向普賢菩薩以偈頌曰： |
| 依十波羅蜜而立諸問 | 佛 | 善哉無礙智，覺悟一切法，具足平等慧，說佛無量境。 |
| | | 諸佛子聞已，心皆大歡喜，願時為敷演，如來性起法。 |
| | 法 | 何等如來身，清淨妙音聲？云何如來心，及無量境界？ |
| | | 何等如來行，及諸佛菩提？修習何等法，速成等正覺？ |
| | 僧 | 云何轉法輪，清淨妙勝法？ |
| | | 願為分別說，善逝涅槃法，佛子等聞已，歡喜心無量。 |
| | 精進 | 十方眾生類，皆見諸法王，恭敬供養佛，於彼種善根， |
| | | 若有見諸佛，恭敬種善根，功德藏無量，願為分別說。 |
| | 禪定 | 若有聞一切，如來之名號，十方現在佛，及已般涅槃， |
| | | 無盡功德藏，聞名歡喜者，彼得何等利？哀愍分別說。 |
| | 般若 | 清淨真佛子，願為廣敷演，分別深境界，無量功德海。 |
| | | 一切諸菩薩，皆一心合掌，恭敬觀善逝，瞻仁兼及我， |
| | 方便 | 巧語微妙音，願說真實義。除滅諸疑惑，清淨如虛空， |
| | | 因緣及譬喻，為我分別說，無量眾聞已，皆發菩提心。 |
| | 願 | 一切諸如來，相好莊嚴身，充滿十方國，方便度眾生， |
| | | 出微妙音聲，演說無量法，因諭隨應化，示悟佛菩提。 |
| 力 | 十方一切界，無量佛剎中，不可稱說劫，是會甚難見。 | |
| | 如此大眾集。清淨諸佛子，無量億劫中。難見亦難聞。 | |
| 智 | 是故真佛子。願說微妙義，顯現廣無量。如來性起法。 | |
| | 一切諸菩薩。皆一心合掌，渴仰於大乘。願雨甘露法。 | |
| 如來出現過去因緣 | | 爾時，普賢菩薩摩訶薩告如來性起妙德菩薩等諸大眾言：佛子！如來、應供、等正覺性起正法不可思議，所以者何？非少因緣，成等正覺出興于世。佛子！以十種無量無數百千阿僧祇因緣，成等正覺出興于世。何等為十？ |
| 十種因 | 佛 | 一者、發無量菩提之心，不捨一切眾生。 |
| | 法 | 二者、過去無數劫修諸善根正直深心。 |
| | 僧 | 三者、無量慈悲救護眾生。 |

附37：華嚴經寶王如來性起品之知如來出現之二

| | | |
|---------|--------------------------------|------------------|
| 如來出現十種因 | 精進 | 四者、行無量行不退大願。 |
| | 禪定 | 五者、積無量功德心無厭足。 |
| | 般若 | 六者、恭敬供養無量諸佛教化眾生。 |
| | 方便 | 七者、出生無量方便智慧。 |
| | 願 | 八者、成就無量諸功德藏。 |
| | 力 | 九者、具足無量莊嚴智慧。 |
| | 智 | 十者、分別演說無量諸法實義。 |
| 結會 | 佛子！如是等十種無量無數百千阿僧祇法門，成等正覺，出興于世。 | |

(返回第407頁)

附37-1：華嚴經寶王如來性起品之如來出現十種相之一

| | | | |
|---------|-------|-------------------|------------------------------------------------------------------------------------------------------------------------------------------------|
| 如來出現第一相 | 佛波羅蜜 | 三千大千世界成就因緣 | 佛子！譬如三千大千世界，非少因緣成，以無量因緣乃能得成，所謂：興大雲雨，因大雨故，起四風輪，何等為四？一名曰持，能持大水。二名、漸消，漸消大水。三名曰起，起諸處所。四名、莊嚴，莊嚴三千大千世界眾生業報。如是四種皆眾生業報及諸菩薩善根所起。（四種風輪即四智圓滿力用） |
| | | 四大風輪所成 | 佛子！如是等無量因緣，乃成三千大千世界，法如是故，無有作者，亦無成者，如來、應供、等正覺亦復如是，非少因緣成，以無量因緣，成等正覺出興于世。所謂：菩薩摩訶薩，曾於過去無量佛所，聞受正法甘露大雨，因是能起如來四種智慧風輪，何等為四？ |
| | | 住行向地四大風輪此即大乘法四種成就 | 一者、正念持陀羅尼未曾忘失如來大智風輪，能持如來一切法雨。（大圓鏡智） |
| | | | 二者、止觀如來大智風輪，悉能消滅一切煩惱。（平等性智） |
| | | | 三者、善迴向如來大智風輪，成就一切功德善根。（妙觀察智） |
| | | | 四者、出生離垢諸莊嚴法如來大智風輪，皆令眾生諸根清淨相好莊嚴，如來無漏善根所成，法如是故，無有作者，亦無成者。（成所作智） |
| 第二相 | 法波羅蜜 | 一切二乘不能受持 | 佛子！是為第一最勝法門，成等正覺出興于世，菩薩摩訶薩應如是知。 |
| | | | 復次，佛子！譬如三千大千世界成時，大雲降雨名曰洪澍，一切世界不能容持，除大千世界初始成時， |
| | | | 如來、應供、等正覺亦復如是，出興于世，演說如來性起法雨，一切聲聞、緣覺不能受持，除成就諸力菩薩摩訶薩。 |
| 第三相 | 僧 | 善根力故大雲降雨 | 佛子！是為第二因緣成等正覺出興于世，菩薩摩訶薩應如是知。 |
| | | | 復次，佛子！譬如眾生業報大雲降雨，無所從來，去無所至；如來、應供、等正覺亦復如是，以諸菩薩善根力故，演說如來性起法雨，無所從來，去無所至。佛子！是為第三因緣成等正覺出興于世，菩薩摩訶薩應如是知。 |
| 第四相 | 精進波羅蜜 | 覺慧力故興大法雨 | 復次，佛子！譬如大雲降雨，大千世界一切眾生無能知數，若欲算計令心狂亂，除大千世界主摩醯首羅天王，乃至一涕無不知者，以本善根果報力故； |
| | | | 如來、應供、等正覺亦復如是，出興于世，說如來性起甘露法雨，一切眾生聲聞、緣覺所不能知，若欲思量令心狂亂，除一切世界主，菩薩摩訶薩乃至一句、一味悉分別知，於過去佛所修地力故。佛子！是為第四因緣成等正覺出興于世，菩薩摩訶薩應如是知。 |
| 第五相 | 禪定波羅蜜 | 自性禪定有大法雨名為能滅 | 復次，佛子！譬如大雲降雨，名滅熾然、或名能起、或名能壞、或名成實、或名分別大千世界； |
| | | | 如來、應供、等正覺亦復如是，出興于世，雨正法雨，名曰除滅，除滅眾生煩惱盛火；或有法雨，名曰能起，能起眾生一切善根；或有法雨，名曰能壞，能壞眾生諸惡邪見；或有法雨，名曰成實，能成眾生一切智寶；或有法雨，名曰分別，分別眾生心心所行。佛子！是為第五因緣成等正覺出興于世，菩薩摩訶薩應如是知。 |
| 第六相 | 般若 | 隨宜說法無量差別 | 復次，佛子！譬如大雲雨一味水，隨其所雨而有差別；如來、應供、等正覺亦復如是，雨於大悲一味法雨，隨所應化，種種不同。佛子！是為第六因緣成等正覺出興于世，菩薩摩訶薩應如是知。 |

附37-1：華嚴經寶王如來性起品之如來出現十種相之二

| | | | |
|-----|-------|--------------|----------------------------------------------------------------------------------------------------------------------------|
| 第七相 | 方便波羅蜜 | 諸行智慧隨眾生器而有差別 | 復次，佛子！譬如三千大千世界初始成時，先成色界諸天宮殿，次成欲界諸天宮殿，次成人處及餘眾生諸所住處； |
| | | | 如來、應供、等正覺亦復如是，出興于世，先起菩薩諸行智慧，次起緣覺、聲聞及餘眾生一切善根。佛子！譬如大雲雨一味水，隨諸眾生善根力故，起種種宮殿，如來大悲一味法水，隨眾生器根不同故，法雨差別。佛子！是為第七因緣成等正覺出興于世，菩薩摩訶薩應如是知。 |
| 第八相 | 願波羅蜜 | 如來出現生大蓮華 | 復次，佛子！譬如世界初始成時，有大水輪，遍滿三千大千世界，滿世界已，生大蓮華名如來起，諸功德寶以為莊嚴，遍覆三千大千世界，光照十方一切國土。時，摩醯首羅淨居天等，見蓮華已，即決定知如蓮華數諸佛興世。 |
| | | 十波羅蜜成就十種大願風輪 | 佛子！爾時有風輪起名淨光明，能成色界諸天宮殿； |
| | | | 又風輪起名淨莊嚴，能成欲界諸天宮殿； |
| | | | 又風輪起名不可壞，能成大小圍山及金剛山； |
| | | | 又風輪起名曰勝高，能成須彌山王； |
| | | | 又風輪起名曰不動，能成十種大山。何等為十？所謂：芭蕉山、仙人山、伏魔山、大伏魔山、持劫山、黑山、目真隣陀山、摩訶目真隣陀山、香山、雪山；（禪定波羅蜜大願風輪成就十大山王） |
| | | | 又風輪起名曰安住，能成大地； |
| | | | 又風輪起名曰莊嚴，能成地天宮殿、乾闥婆宮殿； |
| | | | 又風輪起名無盡藏，能成三千大千世界海； |
| | | | 又風輪起名明淨藏，能成大千世界珍寶； |
| | | | 又風輪起名堅固根，能成一切如意樹。 |
| | | | 佛子！是為大雲雨一味水，以眾生善根果報力故，法如是故，起種種風輪，風輪差別故，大千世界形類不同。 |
| | | 總說大智光明 | 如來、應供、等正覺亦復如是，出興于世，具諸善根，有光明，名無上大智不斷如來性起不思議智，普照十方世界，授一切菩薩如來記，號成等正覺出興于世。又能善知一一佛所有幾菩薩成就功德； |
| | | 如來出現有十種大智光明 | 佛復有光明，名離垢淨如來大智，能成如來無漏無生智； |
| | | | 法復有光明，名曰普照如來大智，能成如來不可思議法界智； |
| | | | 僧復有光明，名持佛性如來大智，能成如來不動諸力； |
| | | | 精進復有光明，名無壞最勝如來大智，能成如來無所畏智； |
| | | | 禪定復有光明，名一切明如來大智，能成如來堅固不退一切種智； |
| | | | 般若復有光明，名出生變化如來大智，能令見聞恭敬供養諸如來者，善根不虛； |
| | | | 方便復有光明，名普隨順至如來大智，能成如來無盡功德智慧清淨法身，饒益眾生； |
| | | | 願復有光明，名不可究竟如來大智，能成如來甚深妙智，不斷三寶； |
| | | | 力復有光明，名種種莊嚴如來大智，能成如來相好嚴身，令一切眾生皆悉歡喜得一切智； |
| | | 智 | 復有光明，名不可壞如來大智，能成如來法界、虛空界等無有窮盡殊勝壽命。 |

附37-1：華嚴經寶王如來性起品之如來出現十種相之三

| | | | |
|--------------------------|------|-----------------------------------------------------------------------------------------------------------------------------------|----------------------------------------------------------------------------------------------------------------------------------------------------|
| 第八相 | 願波羅蜜 | 根性個別成就不同 | 佛子！如來大悲一味之水，以諸菩薩善根力故，及餘眾生根差別故，法如是故，如來智慧應化不同。 |
| | | 善根成就方得如來真實智慧 | 佛子！如來性起正法，一切如來平等智慧光明所起，一切如來一味智慧，出生無量無邊功德，眾生念言：此諸功德如來所造。佛子！此非如來神力所造。 |
| | | | 佛子！乃至一菩薩成無上道，言佛造者無有是處，諸佛為一切群生作善知識，眾生依此得大智慧，無有作法，亦無作者。佛子！是為第八因緣成等正覺出興于世，菩薩摩訶薩應如是知。 |
| 第九相 | 力波羅蜜 | 世界四風輪 | 復次，佛子！譬如有四風輪依虛空住，能持水輪，何等為四？所謂：安住、不動、常住、堅固，是名為四能持水輪；水輪能持大地令不散壞，是故說大地依水輪；水輪依風輪，風輪依虛空，虛空無所依，虛空雖無所依，能令三千大千世界而得安住； |
| | | 依無礙慧光明而起如來四種大智風輪 | 如來、應供、等正覺亦復如是，依如來起四種無礙大智風輪，能持一切眾生善根。何等為四？所謂： |
| | | | 攝取眾生皆令歡喜大智風輪， |
| | | | 分別諸法令眾生樂求大智風輪， |
| | | | 守護眾生一切善根大智風輪， |
| | | 決定了知無漏法界大智風輪，是名四種大智風輪。 | |
| | | 無礙慧光明 | 大慈為眾生歸依，大悲度脫眾生，大慈大悲饒益眾生，大慈大悲依方便智，大方便智依於如來，如來無所依，無礙慧光普照十方一切世界。佛子！是為第九因緣成等正覺出興于世，菩薩摩訶薩應如是知。 |
| 第十相 | 智波羅蜜 | 四族眾生皆得饒益 | 復次，佛子！譬如大千世界成已，種種饒益無量眾生，水性眾生得水安樂，陸地眾生得地安樂，宮殿眾生得宮殿安樂，空中眾生得虛空安樂； |
| | | 如來、應供、等正覺亦復如是，出興于世，種種饒益一切眾生，見聞如來踊躍歡喜修諸善根，住尸羅者得佛戒樂，住四禪、四無量者得聖無上智明之樂，住法門者得真實樂，住照明者得淨智樂，如是等無量法門種種饒益一切眾生。佛子！是為第十因緣成等正覺出興于世，菩薩摩訶薩應如是知。 | |
| 十種知如來出現結會知法界無量 | | | 佛子！菩薩摩訶薩又復應知如來性起正法：功德無量，行無量故；充滿十方，無來去故；離生住滅，無有行故；離心意識，無有身故；性如虛空，悉平等故；一切眾生無我、我所，無有盡故；一切剎無盡，無有轉故；不斷未來際，無有退故；如來智無疑、無二，平等觀察有為、無為故；成等正覺，饒益眾生，本行迴向自在滿足故。 |
| 說偈重宣 | | | 爾時，普賢菩薩欲重明此義，以偈頌曰：（六十五偈，結構依八十華嚴） |
| 涅槃十波羅蜜 | 佛 | 佛 | 一切眾諦聽，如來十力法，一切諸世間，最勝無有上， |
| | | | 悉與無等等，亦與虛空等，功德無等者，境界不可量。 |
| | 法 | 法 | 一切諸如來，功德無有量，諸餘眾生類，無能思議者。 |
| | | | 如來一法門，一切諸群生，無量億劫中，思量不能盡。 |
| | 僧 | 僧 | 十方諸佛刹，盡末為微塵，有人能計算，悉了知其數。 |
| 彼人無量劫，算數諸如來，一毛之功德，莫能知少分。 | | | |

附37-1：華嚴經寶王如來性起品之如來出現十種相之四

| | | |
|-------------------|----|--------------------------------------------------------------------------------------------------------------|
| 涅槃十波羅蜜 | 精進 | 譬如一士夫，能量虛空界，又第二士夫，隨算知量數。 於億無數劫，算量空可盡，如來諸功德，不可得窮盡。 |
| | 禪定 | 譬如有士夫，能於一念中，數三世眾生，心心之所行， 眾生數等劫，數之猶可盡，如來無量德，其數不可盡。 |
| | 般若 | 譬如諸法界，分際不可得，一切非一切，非見不可取， 如是諸如來，境界不可量，一切非一切，法界無窮盡。 |
| | 方便 | 譬如如如性，離虛妄寂滅，亦無有生者，亦無有滅者， 如是諸如來，及一切境界，亦同如如性，不增亦不減。 |
| | 願 | 譬如未來際，真實際無際，三世性自離，真實不可得。 等正覺如是，境界亦復然，一切三世中，通達無障礙。 |
| | 力 | 諸法無變易，性空無作故，離垢無染污，其性如虛空。 一切諸如來，清淨性亦然，一切性無性，非有亦非無。 |
| | 智 | 正法性遠離，一切語言道，一切趣非趣，皆悉寂滅性。 一切諸如來，境界亦如是，遠離語言道，不可為譬喻。 |
| | | |
| 勸聞 | 佛 | 諸佛覺悟法，性相皆寂滅，如鳥飛空中，足迹不可得。 無量大願果，成就淨色身，具十力功德，示現大神變。 |
| | 法 | 如來甚深法，若有欲知者，應當淨其意，猶若如虛空。 遠離虛妄想，及邪見顛倒，修習清淨道，究竟得淨意。 |
| | 僧 | 是故諸佛子，一心善諦聽，諸善逝境界，我當說少分。 一切諸十力，功德不可數，覺悟群生故，我今少演說。 |
| | 勸聞 | 一切諸導師，起清淨身業，口業及意業，境界悉清淨。 如來深境界，清淨妙法輪，涅槃諸善根，我當分別說。 |
| 依涅槃十波羅蜜立十種譬喻知如來出現 | 總說 | 譬如大千界，國土初成時，非是少因緣，能成於世界。 無量方便力，一切因緣起，三千大千界，安置諸群生。 如是諸最勝，如來性起法，無量功德藏，一切莫能知。 十方諸世界，皆末為微塵，算數諸微塵，及知眾生心。 |
| | | 微塵眾生心，猶尚可知數，一切諸十力，功德不可知。 |
| | | 譬如因重雲，能澍降大雨，四種風輪起，能成三千界。 |
| | | 眾生諸善根，菩薩功德力，三千世界起，安置眾生類。 |
| | 佛 | 如來亦如是，因緣法雲起，大智慧風輪，離垢清淨意。 |
| | | 一切諸佛所，修習諸善根，迴向與眾生，速成等正覺。 |
| | | 譬如虛空中，雲雨名洪澍，一切餘世界，無堪受持者。 |
| | | 除三千大千，世界初成時，不可動風輪，依止虛空界。 |
| | 法 | 如來亦如是，初成等正覺，十方一切界，法雲降大雨， 充滿勝法界，無有能持者。唯諸大菩薩，成就無量德， |
| | | 空中興雲雨，無作無造者，本無所從來，去亦無所至。 |
| | | 如來亦如是，法雲雨甘露，本無所從來，去亦無所至。 |
| | | 一切諸菩薩，修習無量行，隨所應受化，為彼雨正法。 |

附37-1：華嚴經寶王如來性起品之如來出現十種相之五

| | | |
|-------------------|----|--------------------------|
| 依涅槃十波羅蜜立十種譬諭知如來出現 | 精進 | 譬如大雲雨，無有能數者，唯摩醯首羅，悉能分別知。 |
| | | 善逝亦如是，雨無量法雨，充滿諸佛刹，無有能數者。 |
| | | 唯無上法王，一切世界主，悉能分別知，如觀掌中寶。 |
| | 禪定 | 應滅能寂滅，應起能令起，除滅諸邪見，長養功德寶。 |
| | | 如來雨正法，除滅諸煩惱，出生不可數，無量諸善根。 |
| | | 修習於正見，遠離諸顛倒，一切諸最勝，深解功德寶。 |
| | 般若 | 譬如虛空中，普雨一味水，眾生果報力，所起物不同。 |
| | | 如來雨正法，大悲一味水，隨應受化故，種種差別說。 |
| | 方便 | 世界初成時，先起色界宮，復於欲界天，次第起宮殿， |
| | | 次復於人間，各各造住處，然後次第起，乾闥諸龍處。 |
| | | 如來亦如是，始成等正覺，初起菩薩行，次成緣覺乘， |
| | 願 | 又化心自在，一切諸聲聞，然後令眾生，修習諸善根。 |
| | | 見清淨蓮華，諸天知佛出，因雨能起風，風能起世界， |
| | 力 | 如來放光明，分別佛菩薩，能起智慧輪，通達諸佛法。 |
| | | 水依風輪住，地依於水輪，眾寶樹依地，虛空無所依。 |
| | | 智輪依如來，慈悲依智慧，功德依方便，法身無所依。 |
| 智 | 智 | 譬如大地起，饒益諸眾生，水陸群萌類，各各得安樂。 |
| | | 依虛空眾生，及欲色諸天，二足四足等，一切悉饒益。 |
| | | 法王亦如是，出興于世間，令一切眾生，皆悉得饒益。 |
| 結會 | 結會 | 若人有見聞，恭敬供養者，除滅諸煩惱，深解如來法。 |
| | | 如來性起法，世間莫能知，我所說少分，饒益眾生故。 |

(返回第407頁)

附37-2：華嚴經寶王如來性起品之如來身十種相之一

| | | | |
|-----|-------|------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 設問 | | | 爾時，普賢菩薩摩訶薩告諸菩薩言：佛子！云何菩薩摩訶薩知、見如來、應供、等正覺？（法波羅蜜） |
| 第一相 | 佛波羅蜜 | 於無量處見如來身 | <p>此菩薩摩訶薩知、見如來，具足成就無量功德。何以故？如來、應供、等正覺非一法、一行、一身、一刹，化一眾生故；此菩薩摩訶薩知、見如來，具足成就無量法、無量行、無量身、無量刹，平等教化一切眾生故。</p> <p>佛子！譬如虛空，一切色處、非色處，無處不至，而非至非不至。何以故？虛空無形色故。如來法身亦復如是，至一切處、一切刹、一切法、一切眾生，而無所至。何以故？諸如來身，非是身故；隨所應化示現其身。佛子！是為菩薩摩訶薩初入勝行門，知、見如來。</p> |
| 第二相 | 法 | 一切執著一切戲論皆悉永斷 | 復次，佛子！譬如虛空彌廣，悉能容受一切眾生而無染著；如來法身亦復如是，照一切眾生世間善根、離世間善根亦無染著。何以故？如來法身，於一切染著悉已斷故。佛子！是為菩薩摩訶薩第二勝行，知、見如來。 |
| 第三相 | 僧波羅蜜 | 以無量事普益眾生 | <p>復次，佛子！譬如日出世間，以無量事饒益眾生，所謂：滅除闇冥，長養一切山林、藥草、百穀、卉木，消除冷、溼；照空，饒益虛空眾生；照池，則能開敷蓮華，普悉照現一切色像，世間事業皆得究竟。何以故？日能普放無量光故；</p> <p>如來身日亦復如是，以無量事，普能饒益一切眾生，所謂：滅惡饒益，長養善法；普照饒益，除滅一切眾生闇冥；大慈饒益，救護眾生；大悲饒益，度脫一切；正法饒益，長養一切根力覺意；堅信饒益，除心垢濁；見法饒益，不壞因緣；天眼饒益，悉見眾生死此生彼；離害饒益，不壞眾生一切善根；慧光饒益，開敷一切眾生心華；發心饒益，究竟一切菩薩所行。何以故？如來身日普放一切慧光明故。佛子！是為菩薩摩訶薩第三勝行，知、見如來。（十一種饒益眾生）</p> |
| 第四相 | 精進波羅蜜 | 成就無邊法界智輪次第精進成就眾生 | <p>復次，佛子！譬如日出，先照一切諸大山王、次照一切大山、次照金剛寶山、然後普照一切大地。日光不作是念：我當先照諸大山王、次第乃至普照大地。但彼山地，有高下故，照有先後；</p> <p>如來、應供、等正覺亦復如是，成就無量無邊法界智慧日輪，常放無量無礙智慧光明，先照菩薩摩訶薩等諸大山王，次照緣覺，次照聲聞，次照決定善根眾生，隨應受化，然後悉照一切眾生，乃至邪定，為作未來饒益因緣。如來智慧日光不作是念：我當先照菩薩，乃至邪定。但放大智光，普照一切。</p> <p>佛子！譬如日月出現世間，乃至深山、幽谷，無不普照；如來智慧日月，亦復如是，普照一切無不明了。但眾生希望、善根不同故，如來智光，種種差別。佛子！是為菩薩摩訶薩第四勝行，知、見如來。</p> |
| 第五相 | 禪定波羅蜜 | 以佛威力未來苦因皆悉銷滅 | <p>復次，佛子！譬如日出世間，生盲眾生未曾覩見。何以故？無肉眼故。佛子！此生盲眾生雖不見日，亦為日光之所饒益；因日光故，而得飲食、資生眾具，消除冷、溼，令體輕軟，風寒痰癢，諸患悉除，安隱快樂；</p> <p>如來慧日出現世間，亦復如是，一切邪見、犯戒、無智、邪命生盲眾生，未曾覩佛智慧日光。何以故？無信心眼故。</p> <p>佛子！生盲眾生，雖不見如來智慧日光，然此眾生，亦為如來智慧日光之所饒益；除滅四大一切諸苦，身體安樂，斷一切煩惱、毒痛根本。</p> |

附37-2：華嚴經寶王如來性起品之如來身十種相之二

| | | | |
|-----|-----------|--------------------|------------------------------------------------------------------------------------------------------------------------------------------------------------------------------------------------------------------------------|
| 第五相 | 如來出現有十種光明 | 佛 | 佛子！如來有光，名曰一切功德積聚； |
| | | 法 | 復有光明，名普照一切； |
| | | 僧 | 復有光明，名曰清淨自在普照； |
| | | 精進 | 復有光明，名出大妙音； |
| | | 禪定 | 復有光明，名普照一切諸語言法； |
| | | 般若 | 復有光明，名自在除滅一切疑惑； |
| | | 方便 | 復有光明，名無依普照； |
| | | 願 | 復有光明，名智慧自在，除滅一切境界虛妄； |
| | | 力 | 復有光明，名分別諸乘，隨其所應，出大妙音； |
| | | 智 | 復有光明，名曰圓滿自在，音聲莊嚴諸刹，悉令眾生，皆得清淨。 |
| 第六相 | 禪定波羅蜜 | 成就禪定趣一切智 | 佛子！如來一一毛孔，放如是等千種光明，五百光明，普照下方；五百光明，普照上方；菩薩摩訶薩各於其刹，諸如來所，見此光已，彼諸菩薩即時具足清淨，十頭、十眼、十耳、十鼻、十舌、十身、十手、十足、十地、十智，彼諸菩薩，因菩薩行地，所得諸入，皆悉清淨，成就善根。一切種智、聲聞、緣覺，皆悉除滅；一切煩惱、少智、生盲眾生，身體柔軟、安隱、快樂、離垢、清淨，調伏諸根，具足成就四念處法；地獄、餓鬼、畜生、惡道眾生，眾苦悉除，皆得安樂，身壞命終，生人天中。 |
| | | | 彼諸眾生，不知不覺，以何因緣、何威神力來生此間？彼生盲者，唯作是念：我是梵天，我是梵化。爾時，如來安住普自在三昧，演出八種如來妙音，告眾生言：汝等眾生，非是梵天，亦非梵化；蒙佛神力故，得生此間。 |
| | | 非是梵化佛神力故 | 彼諸眾生，佛神力故，即識宿命，所經惡道，來生此間，皆大歡喜。大歡喜已，各持優曇華雲、香雲、娛樂雲、一切衣雲、蓋雲、幢雲、末香雲、妙寶雲、師子幢雲、半月樓閣雲、讚歎莊嚴具雲，詣如來所，奉獻供養。 |
| | | | 何以故？蒙佛神力，慧眼開明，如來即授彼諸眾生阿耨多羅三藐三菩提記。佛子！當知如來慧日，饒益生盲眾生，長養具足，成就善根。佛子！是為菩薩摩訶薩第五勝行，知、見如來。 |
| 第七相 | 般若波羅蜜 | 正法解脫有四種奇特未曾有法即四智力用 | 復次，佛子！譬如滿月，有四奇特未曾有法。何等為四？映蔽一切星宿光明，示現增減於閻浮提，一切淨水影無不現，一切眾生有觀見者皆悉對面； |
| | | | 如來法身亦復如是，有四奇特未曾有法。何等為四？ |
| | | | 映蔽一切聲聞、緣覺、學、無學法、功德星宿，隨其所應，示現壽命，修短不同； |
| | | | 法身常住，未曾增減，影現一切世界； |
| | | | 淨心眾生菩提器中，隨所聞法，隨解脫地，應受化者，一切皆謂如來現前； |
| | | | 其實法身，無有彼此，究竟佛事。 |
| | | | 佛子！是為菩薩摩訶薩第六勝行，知、見如來。 |
| 第七相 | 方便 | 隨眾生心方便示現 | 復次，佛子！譬如三千大千世界，大梵天王，以少方便，大千世界一切眾生，各見梵王，現在己前，亦不分身，無種種身。佛子！如來亦復如是，亦不分身，無種種身，於一切眾生，隨所應化，示現其身；未曾生念，示現彼此若干眾生。佛子！是為菩薩摩訶薩第七勝行，知、見如來。 |

附37-2：華嚴經寶王如來性起品之如來身十種相之三

| | | | |
|-------|------|--------------------------|-------------------------------------------------------------------------------------------------------------------------------------------------------------|
| 第八相 | 願波羅蜜 | 鍊治法藥已得成就方便善巧皆到彼岸眾生見者煩惱除滅 | 復次，佛子！譬如大醫王，善知眾藥對治之法，一切方論皆悉明練，彼大醫王，闍浮提中一切藥草若現其前，悉能識別；彼大醫王宿善根力又能明了諸方論故，悉能療治一切眾病；彼大醫王，臨命終時，作如是念：我命終後，一切眾生無所歸依，是故我應現巧方便。 |
| | | | 爾時，醫王以藥塗身，呪術自持，令我命終之後，身不乾燥，又不散壞，猶能具足身四威儀，行、住、坐、臥行醫王事，療治眾病，與本無異； |
| | | | 如來、應供、等正覺無上醫王，亦復如是，善能明了諸對治法，悉能除滅一切眾生諸煩惱病；無量億那由他劫，修習善根，究竟般若波羅蜜，到於彼岸；善學方便，藥塗呪持，如來於昔，先善安住，菩薩行地，般若波羅蜜巧妙方便，藥呪之力，住持壽命；如來以少方便，施作佛事，救護眾生，除滅煩惱。佛子！是為菩薩摩訶薩第八勝行，知、見如來。 |
| 第九相 | 力波羅蜜 | 為大寶聚一切功德大智慧藏眾生見者法眼清淨 | 復次，佛子！譬如大海，有摩尼寶，名普照明淨藏，此寶光明，觸眾生身，悉同一色，若有見者眼即清淨，隨彼光明所照之處，雨目法寶，皆悉遍滿，饒益安樂無量眾生； |
| | | | 如來法身亦復如是，為大寶王功德積聚，大智慧藏如來有光，名寶身智，若有眾生觸斯光者，皆悉得與佛身同色；若有眾生見斯光者，皆悉逮得清淨法眼；若有眾生觸斯光者，除貧賤苦，尊貴富樂，乃至無上菩提快樂。 |
| | | | 佛子！當知如來法身，無有彼此，悉能究竟一切眾生，而作佛事。佛子！是為菩薩摩訶薩第九勝行，知、見如來。 |
| 第十相 | 智波羅蜜 | 能令一切眾生皆悉歡喜非少福眾生所能得見 | 復次，佛子！譬如大海，有寶名曰一切世間莊嚴如意摩尼寶王，具足成就百萬功德。隨彼寶王所住之處，一切眾生所有苦患皆得除滅，隨其所願，悉能充滿，彼摩尼寶王，非少福眾生所能得見； |
| | | | 如來法身摩尼寶王亦復如是，若有眾生得聞見者，皆悉除滅生死之苦，若一切眾生，一時專念欲見如來，皆悉觀見，能令歡喜，所願悉滿。如來法身，非少福眾生之所能見，除佛神力，隨其所應而示現身。 |
| | | | 佛子！是為菩薩摩訶薩第十勝行，知、見如來。菩薩摩訶薩，具足成就無量淨心，充滿十方，深入法界，住真實際，無生無滅，三世平等，悉能除滅一切虛妄。入未來際，正法充滿，一切世間，一切法界，一切佛身，無量莊嚴。 |
| 說偈重宣 | | | 爾時，普賢菩薩摩訶薩欲重明此義，以偈頌曰：（二十偈） |
| 如十波羅蜜 | 佛 | 法 | 譬如虛空性，無處而不至，十方世界中，一切諸佛刹， |
| | | | 色處非色處，一切眾生類，去來今現在，非至非不至。 |
| | | | 一切諸最勝，清淨妙法身，無處而不至，充滿諸法界。 |
| | | | 最勝妙法身，一切莫能見，教化眾生故，導師為示現。 |
| | 法 | | 譬如虛空性，無能執持者，普令諸群生，無礙造眾業。 |
| | | | 虛空無是念，我今何所作？云何而造作？為誰而造作？ |
| | | | 如是諸最勝，因此淨身業，普令群生類，成就白淨法。 |
| | | | 如來淨法身，饒益無量眾，法身亦無念，我利諸群萌。 |

附37-2：華嚴經寶王如來性起品之如來身十種相之四

| | | |
|--------------|----|--------------------------|
| 依十種譬論說如來身十種相 | 僧 | 譬如明淨日，出現閻浮提，除滅一切闇，普照悉無餘。 |
| | | 一切眾寶山，大地諸華池，隨事而長養，饒益一切眾。 |
| | | 最勝日如是，饒益一切眾，悉令群生類，長養諸善根。 |
| | | 成就慧光明，除滅一切闇，覩見諸導師，具足一切樂。 |
| | 精進 | 譬如日出時，先照大山王，又復次第照，一切諸大山， |
| | | 次照諸小山，及餘高顯處，然後乃普照，世界諸大地。 |
| | | 善逝亦如是，清淨慧日光，先照諸菩薩，功德大山王， |
| | | 爾乃次第照，一切諸緣覺，又復次第照，聲聞學無學， |
| | 禪定 | 然後次第照，一切諸眾生，法身無是念，我有所照明。 |
| | | 譬如明淨日，出現於世間，生盲雖不見，而能作饒益， |
| | | 除滅飢渴患，令身柔軟樂，當知明淨日，無所不饒益， |
| | | 佛日亦如是，出現於世間，雖無信心眼，而為作饒益， |
| | 般若 | 或聞如來聲，或觸導師光，為彼作因緣，究竟成菩提， |
| | | 譬如盛滿月，映蔽諸星宿，示現一切眾，有增或有減， |
| | | 一切澄淨水，月影無不現，世間群生類，皆悉對目見， |
| | | 最勝淨滿月，映蔽於二乘，隨其受化者，示現壽修短， |
| | 方便 | 影現諸人天，淨心菩提器，各各皆自謂，我對天人尊， |
| | | 譬如大梵王，安住梵天宮，悉於大千界，普現梵王身， |
| | | 具足自在力，變現無量身，無處而不見，其身亦不分。 |
| | | 導師亦如是，具足自在力，一切十方刹，普現無量身， |
| | 願 | 不可稱量身，一切莫能見，普應現眾生，而亦不分身。 |
| | | 譬如大醫王，善知對治法，若有得見者，無病而不除， |
| | | 臨欲命終時，而生如是念，我身終沒後，一切無歸依。 |
| | | 以藥塗其身，呪術而自持，令我命終後，如本無變異。 |
| | 力 | 如是諸最勝，無上大醫王，善學方便慧，具足一切智。 |
| | | 過去無量行，示現淨法身，眾生若見者，除滅煩惱患。 |
| | | 譬如大海中，摩尼眾寶王，出生無量種，清淨妙光明。 |
| | | 眾生觸斯光，皆悉同寶色，若有得覩見，彼開清淨眼。 |
| | 智 | 最勝寶如是，普放慧光明，若有觸斯光，悉與佛同色。 |
| | | 眾生若見者，具足五淨眼，除滅諸闇冥，安住如來地。 |
| | | 譬如如意寶，隨滿一切願，若有所求者，皆悉滿其意。 |
| | | 寶王不生念，我饒益世間，少功德眾生，不見此寶王。 |
| | | 善逝亦如是，令一切願滿，若有求願者，皆悉得滿足。 |
| | | 善逝不生念，我利益眾生，其懷惡心者，不覩如來身。 |

(返回第407頁)

附37-3：華嚴經寶王如來性起品之如來音聲十種相之一

| | | | |
|------------|------------|----------|------------------------------------------------------------------------------------------------------------|
| 設問 | | | 佛子！菩薩摩訶薩云何知、見如來、應供、等正覺，微妙音聲？（僧波羅蜜） |
| 於如來音聲起十種知見 | | | 此菩薩摩訶薩知、見如來音聲，無處不至，如來種種微妙音聲，令一切眾生皆大歡喜，演說無量諸佛正法；隨應化者，悉得解了，教化眾生，未曾失時；令身清涼，心定不亂，觀察平等，無生無滅。 |
| | | | 譬如呼響無主，知、見出生，長養諸善根故；知、見甚深，無邊底故；知、見正直，究竟度法界故；知、見無斷，攝法界故；知、見不可壞，究竟法界故； |
| 第一相 | 眾生諸善業力之所出生 | 法爾出聲 | 菩薩摩訶薩知如來音聲非量、非無量；非主、非無主，非智、非無智。何以故？譬如世界將欲壞時，法如是故，自然演出四種音聲。何等為四？ |
| | | 初禪 | 一曰、汝等當知初禪安樂，離欲瞋恚，遠離欲界；眾生聞已，自然皆得成就初禪，捨欲界身，生梵天處。 |
| | | 二禪 | 二曰、汝等當知二禪安樂，離於覺觀，無覺無觀，遠離梵身；眾生聞已，自然皆得成就二禪，捨梵世身，生光音天。 |
| | | 三禪 | 三曰、汝等當知三禪安樂，離於喜愛；眾生聞已，自然皆得成就三禪，捨光音身，生遍淨天。 |
| | | 四禪 | 四曰、汝等當知四禪安樂，遠離眾苦；眾生聞已，自然皆得成就四禪，捨遍淨身，生果實天。 |
| | 如來功德而出音聲 | 如來音聲 | 佛子！是為世界將欲壞時，法如是故，自然出生四種音聲，彼聲無主，亦無作者，如來妙音，亦復如是，亦無有主，無有作者，自然出生四種妙音，隨順佛法。何等為四？ |
| | | 人天 | 一曰、汝等當知一切行苦，地獄、畜生、餓鬼中苦、閻羅王苦、惡行者苦、無功德苦、著我我所苦，欲生人天，當種善根，修諸功德，遠離八難，得無難處眾生；聞已，捨離顛倒，修習善根，遠離八難，生人天中。 |
| | | 聲聞 | 二曰、汝等當知一切行苦，皆悉熾然，如燒鐵丸，一切眾行，悉磨滅法，寂滅涅槃，遠離熾然，清涼安樂；眾生聞已，皆修善根，修善根已，得音聲忍，得音聲忍已，學聲聞乘。 |
| | | 獨覺 | 三曰、汝等當知，學聲聞乘者，為學小智，因他覺悟，更有勝道，名緣覺乘，悟不由師，汝等應學；若有眾生，樂勝道者，聞此音聲，學緣覺乘。 |
| | | 大乘 | 四曰、汝等當知，過聲聞、緣覺，更有勝道，名曰大乘；修菩薩行，究竟六波羅蜜，具菩薩行，得不退轉，不捨菩薩心，永離生死，向無上菩提； |
| | 聞此音已發菩提心 | | 若有眾生，諸根猛利，過去修習，無量善根，又復承佛威神力故，得聞此音，發菩提心。諸佛如來微妙音聲，不從身出，不從心出，而能饒益無量眾生。佛子！是為菩薩摩訶薩初勝妙行，知、見如來微妙音聲。 |
| 第二相 | 法波羅蜜 | 無有形狀不可覩見 | 復次，佛子！譬如呼響，因山聲起，無有積聚，不可覩見，隨種種聲，悉能應對，實無所應；如來妙音，亦復如是，無有方處，但隨所應，而出音聲，音聲非實，不可覺知，不可言說。佛子！是為菩薩摩訶薩第二勝行，知、見如來微妙音聲。 |

附37-3：華嚴經寶王如來性起品之如來音聲十種相之二

| | | | |
|-----|-------|------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 第三相 | 僧波羅蜜 | 出妙音聲 覺悟眾生 無起無滅 | <p>復次，佛子！譬如天妙音聲，於虛空中自然而出，悉能覺悟放逸天子，而告之言：汝等當知，五欲無常，虛妄顛倒，須臾變異，如逆風執火，愚夫所習，汝莫放逸，若放逸者，身壞命終，墮三惡道。放逸諸天，聞此音聲，生恐怖心，厭離五欲，各捨宮殿，詣正法堂，修習善法，愛樂正道。</p> <p>佛子！天妙音聲，亦無有主、亦無作者、不起、不滅，而能利益放逸諸天；如來妙音，亦復如是，普為放逸諸眾生故，出生無量正法音聲，而覺悟之。謂無著聲，不放逸聲，無常、苦、空、非我之聲，寂滅涅槃聲，皆悉充滿。一切法界，隨其所應，悉令歡喜，各隨所樂，修學諸乘，出生無量大智音聲、不退轉聲、具足菩薩諸行音聲、如來一切智慧地聲；</p> <p>眾生聞此諸音聲已，無量無數阿僧祇眾生，修習善法，或學聲聞、辟支佛乘，或學無上摩訶衍乘；如來妙音，超絕眾相，言語道斷。佛子！是為菩薩摩訶薩第三勝行，知、見如來微妙音聲。</p> |
| 第四相 | 精進 | 善口說法 於一音中 出無量聲 | <p>復次，佛子！譬如自在天王，有天寶女，名曰善口。於一語中，演出百千娛樂音聲，於彼一一娛樂音中，復出百千娛樂音聲。佛子！當知一善口聲，出生無量微妙音聲，如來音聲，亦復如是；於一音中，出無量聲，隨其所應，悉令開解。佛子！是為菩薩摩訶薩第四勝行，知、見如來微妙音聲。</p> |
| 第五相 | 禪定波羅蜜 | 如來音聲 等持利益 | <p>復次，佛子！譬如大梵天王，於梵眾中，出梵音聲，一切大眾，無不聞者，彼梵音聲，不出眾外；時，梵身諸天各作是念：大梵天王唯與我語，不對餘天。</p> <p>如來、應供、等正覺亦復如是，出生無量無上妙音，應受化者，皆悉得聞，不出眾外。何以故？彼諸眾生，根未熟故，聞佛音者，各作是念：今日如來，唯為我說，不為餘人。</p> <p>如來所出音聲，亦無所出，聞佛音者，亦無所聞，能為眾生，施作佛事。佛子！是為菩薩摩訶薩第五勝行，知、見如來微妙音聲。</p> |
| 第六相 | 般若 | 解脫一味 | <p>復次，佛子！譬如水性，皆同一味，隨器異故，味有差別。水無是念：我作眾味。</p> <p>如來妙音亦復如是，皆悉一味，謂解脫味，隨諸眾生，受化器異，應有差別。如來音聲，不作是知，不作是念：我作種種，別異音聲。佛子！是為菩薩摩訶薩第六勝行，知、見如來微妙音聲。</p> |
| 第七相 | 方便波羅蜜 | 興大悲雲 遍十方界 方便利益 滿足諸乘 | <p>復次，佛子！譬如阿耨達龍王，興大重雲，滿閻浮提，普降大雨，百穀草木，皆悉滋長，江河池泉，一切盈滿，此大雨水，不從龍王身、心中出，而能饒益無量眾生；</p> <p>如來、應供、等正覺亦復如是，興大悲雲，遍滿世間，普雨無上甘露正法，令一切眾生皆大歡喜，出生善根，長養正法，具足諸乘。如來音聲，不從外來，亦不內出，而能饒益一切眾生。佛子！是為菩薩摩訶薩第七勝行，知、見如來微妙音聲。</p> |
| 第八相 | 願波羅蜜 | 慈悲演說 微妙善法 | <p>復次，佛子！譬如摩那斯龍王，將欲降雨，先興重雲，彌覆虛空，凝停七日，而未降雨，先令眾生，究竟諸業。何以故？彼大龍王，慈悲心故，過七日已，漸降微雨，普潤大地；如來、應供、等正覺亦復如是，將雨法雨，先興法雲，普覆眾生，未便即雨甘露正法，先令眾生，成熟諸根，諸根熟已，然後漸降甘露法雨。若即說深法，眾生恐怖。是故，如來漸漸微雨，一切種智，甘露法味。佛子！是為菩薩摩訶薩第八勝行，知、見如來微妙音聲。</p> |

附37-3：華嚴經寶王如來性起品之如來音聲十種相之三

| | | | |
|-----|------|----------------------|--------------------------------------------------------------------------------------------------------------------------------------------------------------------------------------------------------------|
| 第九相 | 力波羅蜜 | 隨眾生根說深妙法皆令歡喜 | 復次，佛子！譬如海中，有大龍王，名大莊嚴。或連雨十日、或二十日、或百日、或千日、或百千日。佛子！雨不作是念：我雨十日、乃至百千日。但彼龍王有不可思議自在力故，或十日雨、乃至百千日雨； |
| | | | 如來、應供、等正覺亦復如是，欲雨微妙甘露正法，或十種音聲、或二十、或百、或千、或百千、或八萬四千行種種音聲，乃至無量億那由他聲，分別說法，令一切眾生，皆悉歡喜。如來妙音，不作是念：我能演說種種諸法。又法界清淨，無有差別，化眾生故，所說不同。佛子！是為菩薩摩訶薩第九勝行，知、見如來微妙音聲。 |
| 第十相 | 智波羅蜜 | 欲現龍王自在之力初現十二種光明色雲網彌布 | 復次，佛子！譬如娑伽羅龍王，欲現龍王大自在力，為欲饒益群生類故，從四天下，乃至他化自在天處，興大重雲，遍覆六天，有種種色：或有處，如閻浮檀金色，或有處，如瑠璃色，或有處，如白銀色，或有處，如玻瓈色，或有處，如玫瑰色，或有處，如碼碯色，或有處，如勝寶藏色，或有處，如赤真珠色，或有處，如妙香色，或有處，如種種衣色，或有處，如清淨水色，或有處，如種種雜色，如是等無量色雲，覆四天下，乃至六天覆已，（十二種光明色） |
| | | 光明色雲網次出十二種電光 | 出諸電光，所謂：閻浮檀金色雲出瑠璃電光、瑠璃色雲出閻浮檀金電光、白銀色雲出玻瓈電光、玻瓈色雲出白銀電光、玫瑰色雲出碼碯電光、碼碯色雲出玫瑰電光、勝寶藏色雲出赤真珠電光、赤真珠色雲出勝寶藏電光、妙香色雲出種種衣色電光、種種衣色雲出妙香色電光、淨水色雲出種種雜色電光、種種雜色雲出淨水電光、廣說乃至一種色雲出種種色電光、種種色雲出一種色電光。（出十二種電光） |
| | | 三於彼雲中出種種雷聲 | 又震種種大雷音聲，令眾生歡喜，所謂：天女歌音、天娛樂音、龍女歌音、乾闥婆女歌音、緊那羅女歌音、大地音、大海音、鹿王音、或有異類奇妙種種鳥音、或種種歌音。 |
| | | 震雷已起涼風及降種種雨 | 爾時，龍王起若干風，降微細雨，饒益安樂無量眾生，從四天下，上至六天，普雨種種無量異雨。所謂： |
| | | | 佛於大海中，雨名洪澍，無有斷絕； |
| | | | 法於他化自在天，普雨歌頌娛樂音聲； |
| | | | 僧於化自在天，普雨解脫明淨光寶； |
| | | | 精進於兜率陀天，普雨頂髻明月神珠； |
| | | | 禪定於夜摩天，普雨種種眾莊嚴具； |
| | | | 般若於三十三天，普雨妙香； |
| | | | 方便於四天王，普雨寶衣； |
| | | | 願於龍王宮，普雨赤明真珠； |
| | | 力 | 於阿脩羅處，普雨兵仗，名伏怨敵； |
| | | 智 | 於鬱單越，普雨眾華； |
| | | 隨善根異雨有差別 | 如是廣說，遍四天下，雨種種雨。然彼龍王，其心平等，無有彼此，但以眾生根不同故，雨有差別； |
| | | 初現種種身雲 | 如來、應供、等正覺無上法王亦復如是，將欲應現無量大法，先以清淨身雲，普覆一切法界，隨其所應，示現身雲。 |

附37-3：華嚴經寶王如來性起品之如來音聲十種相之四

| | | | | |
|-----|------|------------|-----------|----------------------------------------------------------------------------------------------------------------------------------------------------------------|
| 第十相 | 智波羅蜜 | 初現身雲 | 隨眾生類現種種身雲 | 或有眾生，應見如來生身之雲；或有眾生，應見如來神力住持身雲；或有眾生，應見如來色身之雲；或有眾生，應見如來種種身雲；或有眾生，應見如來功德身雲；或有眾生，應見如來智慧身雲；或有眾生，應見如來不壞身雲；或有眾生，應見如來無畏身雲；或有眾生，應見如來法界身雲。(隨眾生欲樂不同現九種身雲，比較八十華嚴缺少第二如來化身雲) |
| | | 次現種種光明電光 | | 佛子！如來以如是等無量身雲，普覆一切世界，隨其所應，示現光明電光： |
| | | | 佛 | 或有眾生，得見如來光明電光，名無所不至。 |
| | | | 法 | 或有眾生，得見如來光明電光，名照無量無邊。 |
| | | | 僧 | 或有眾生，得見如來光明電光，名曰入佛微密之教。 |
| | | | 精進 | 或有眾生，得見如來光明電光，名明淨普照。 |
| | | | 禪定 | 或有眾生，得見如來光明電光，名曰淨照。 |
| | | | 般若 | 或有眾生，得見如來光明電光，名入無盡藏陀羅尼門。 |
| | | | 方便 | 或有眾生，得見如來光明電光，名不亂正念。 |
| | | | 願 | 或有眾生，得見如來光明電光，名不退智慧。 |
| | | | 力 | 或有眾生，得見如來光明電光，名順入諸趣。 |
| | | | 智 | 或有眾生，得見如來光明電光，名普令眾生滿足諸願。 |
| | | 三現無量三昧雷聲 | | 佛子！如是如來、應供、等正覺，普為眾生示現如來光明電光，現電光已，出生無量諸大三昧雷震音聲。所謂： |
| | | | 佛 | 出正覺三昧雷聲、 |
| | | | 法 | 離垢寂靜海三昧雷聲、 |
| | | | 僧 | 一切法自在三昧雷聲、 |
| | | | 精進 | 金剛圓滿三昧雷聲、 |
| | | | 禪定 | 須彌山王幢三昧雷聲、 |
| | | | 般若 | 海印三昧雷聲、 |
| | | | 方便 | 日光三昧雷聲、 |
| | | | 願 | 普令眾生歡喜三昧雷聲、 |
| | | | 力 | 無盡功德藏三昧雷聲、 |
| | | | 智 | 不壞解脫阿羅漢三昧雷聲。 |
| | | 現諸瑞相及降十大法雨 | 現諸瑞相開悟眾生 | 佛子！如來、應供、等正覺，於佛身雲，出生無量種種三昧雷聲。出雷聲已，欲說甘露法時，先現如來大智風輪瑞相，從無障礙大慈悲起，先令一切眾生及諸菩薩，身心柔軟，皆大歡喜。 |
| | | | | 如來如是以正法雲、大慈悲雲、不可思議雲，令一切眾生，身心柔軟，然後乃雨不可思議大法雲雨。所謂： |
| | | | 佛 | 為坐道場一切菩薩雨不可壞法界大法雲雨， |
| | | | 法 | 為最後身菩薩雨如來密教菩薩娛樂自在大法雲雨， |
| | | | 僧 | 為一生補處菩薩雨清淨普照大法雲雨， |
| | | | 精進 | 為得記菩薩雨如來莊嚴大法雲雨， |
| | | | 禪定 | 為得忍菩薩雨功德寶智華不斷菩薩行大法雲雨， |

附37-3：華嚴經寶王如來性起品之如來音聲十種相之五

| | | | | | |
|---------------|------|--------------------------|---------------------------------|-------------------------------------------------------------------------------------------|--|
| 第十相 | 智波羅蜜 | 現瑞相及降大法雨 | 般若 | 為向行菩薩雨不退行入化門甚深門無有疲厭大法雲雨， | |
| | | 方便 | 為初發心菩薩雨如來定行大慈大悲救護眾生大法雲雨， | | |
| | | 願 | 為樂緣覺者雨深知緣起離斷常見無壞解脫果法雲雨， | | |
| | | 力 | 為求聲聞者雨降伏煩惱怨敵智藏法雲雨， | | |
| | | 智 | 為修習長養善根眾生及決定不決定眾生雨種種歡喜法門雲雨。 | | |
| | | | | 佛子！雨如是等十種無量無邊大法雲雨，充滿法界。佛子！如來、應供、等正覺，其心平等，無有彼此；但以眾生根不同故，如來法雨現有差別。佛子！是為菩薩摩訶薩第十勝行，知、見如來微妙音聲。 | |
| 結會 | | | 復次，佛子！菩薩摩訶薩知、見如來音聲十種無量；何等為十？所謂： | | |
| 如來音聲十種無量 | 佛 | 知、見虛空等無量，無處不至故； | | | |
| | 法 | 知、見法界等無量，無處不徹故； | | | |
| | 僧 | 知、見眾生界等無量，令一切眾生悉歡喜故； | | | |
| | 精進 | 知、見行業等無量，廣說一切果報故； | | | |
| | 禪定 | 知、見煩惱等無量，究竟寂滅故； | | | |
| | 般若 | 知、見種種音聲等無量，隨應受化無不聞故； | | | |
| | 方便 | 知、見欲樂等無量，悉分別說諸解脫故； | | | |
| | 願 | 知、見三世等無量，無分際故； | | | |
| | 力 | 知、見智慧等無量，深入一切法故； | | | |
| | 智 | 知、見佛境界不退等無量，隨順如如法界故。 | | | |
| | | | | 佛子！菩薩摩訶薩知、見如來、應供、等正覺音聲，有如是等十種無量阿僧祇。 | |
| 音聲妙用以利益眾生等無差別 | | | | 爾時，普賢菩薩欲重明此義，以偈頌曰：（二十偈） | |
| | 佛 | 世界欲壞時，於彼虛空中，眾生福報力，自然出四聲。 | | | |
| | | 於彼四禪中，寂樂離眾苦，眾生聞是已，厭離欲界身。 | | | |
| | | 十力亦如是，自然出四聲，充滿於法界，無處而不聞。 | | | |
| | | 眾生因緣力，佛應四種聲，其有聞音者，永度生死海。 | | | |
| | 法 | 譬如因山谷，出生呼聲響，從外一切音，響聲隨應對。 | | | |
| | | 種種因緣起，聞者亦不同，響不作是念，我出種種音。 | | | |
| | | 如來聲如是，出生無量音，隨應受化者，一切無不聞。 | | | |
| | | 皆悉令歡喜，調伏諸眾生，音聲亦無念，我出種種音。 | | | |
| | 僧 | 譬如天妙音，於彼虛空中，自然而演出，覺悟諸天子。 | | | |
| | | 諸天子聞此，正法妙音聲，修習不放逸，厭離於五欲。 | | | |
| | | 十力亦如是，出生微妙聲，法雲音充滿，一切諸世界。 | | | |
| | | 令眾生覺悟，彼音無生滅，若有得聞者，皆悉證菩提。 | | | |
| | 精進 | 如自在天王，寶女名善口，於一音聲中，出生百千聲。 | | | |
| | | 復於一一音，出生百千聲，諸天若聞者，一切皆悅樂。 | | | |
| | | 十力亦如是，於彼一音中，隨應一時演，眾生數等音。 | | | |
| | | 眾生聞音已，除滅諸煩惱，音聲不作念，我能有所滅。 | | | |

附37-3：華嚴經寶王如來性起品之如來音聲十種相之六

| | | |
|----------|----|--------------------------|
| 出生種種音聲妙用 | 禪定 | 譬如大梵王，出清淨梵音，一切梵天眾，無有不聞者。 |
| | | 一一梵音聲，令梵眾歡喜，遍滿梵天眾，音聲不出外。 |
| | | 功德大梵王，安處如來座，演出一妙音，充滿諸法界。 |
| | | 隨應受化者，一切無不聞，聲不出眾外，以無信心故。 |
| | 般若 | 譬如諸水性，皆悉同一味，清淨離垢濁，具足八功德。 |
| | | 所因地不同，眾器各別異，隨彼因緣故，水味有差別。 |
| | | 佛子應當知，一切智音聲，如來微妙音，悉同解脫味。 |
| | | 眾生所造行，若干差別故，善逝隨應化，所聞各不同。 |
| | 方便 | 譬如阿耨達，自在大龍王，興雲覆世間，普雨潤大地， |
| | | 長養諸叢林，百穀藥草等，彼所降雨水，不從身心出。 |
| | | 如來亦如是，初興大法雲，普覆諸法界，雨大甘露法。 |
| | | 令眾增善根，除滅煩惱熱，而彼甘露法，不從身心出。 |
| | 願 | 譬如大龍王，名曰摩那斯，七日起重雲，凝停不降雨。 |
| | | 普令一切眾，究竟諸事業，漸降微細澤，然後乃大雨。 |
| | | 十力興法雲，普覆諸法界，雨大甘露法，饒益諸群生。 |
| | | 隨應受化者，為彼說深法，聞者不恐怖，究竟成菩提。 |
| | 力 | 譬如大龍王，名曰大莊嚴，先布密重雲，然後降大雨。 |
| | | 或二十日，乃至百千日，雨水等一味，眾生故不同。 |
| | | 究竟至如來，大辯之彼岸，或說十法門，乃至百千門。 |
| | | 或說八萬四，乃至無量行，如來不生念，我分別法界。 |
| | 智 | 譬如海龍王，名曰娑伽羅，先興密重雲，彌覆四天下。 |
| | | 普雨一切處，各各悉不同，龍王心平等，亦無有憎愛。 |
| | | 最勝亦如是，無上法龍王，興起大悲雲，普覆於一切。 |
| | | 為道場菩薩，雨大甘露法，隨其所應化，如來心平等。 |

(返回第407頁)

附37-4：華嚴經寶王如來性起品之如來心十種相之一

| 總說 | | | 佛子！云何菩薩摩訶薩知、見如來、應供、等正覺心？（精進波羅蜜） 此菩薩摩訶薩知心意識，非即如來，但知如來智無量故，心亦無量。 |
|-----|-------|------------------|----------------------------------------------------------------------------------------------------------------------------------------------------------------------------------------------------------------------------|
| 第一相 | 佛 | 如來智無所依相 | 佛子！譬如虛空悉為一切萬物所依，而彼虛空無所依止；如來智慧亦復如是，悉為一切世間智慧、離世間智之所依止，而如來智無所依止。佛子！是為菩薩摩訶薩最初勝行，知、見如來、應供、等正覺心。 |
| 第二相 | 法 | 如來智慧無增減相 | 復次，佛子！譬如清淨法界，悉為一切聲聞、緣覺、菩薩解脫之所依止，而清淨法界無增無減；如來智慧亦復如是，為一切世間、出世間智，算數巧術一切眾智之所依止，而如來智無增無減。佛子！是為菩薩摩訶薩第二勝行，知、見如來、應供、等正覺心。 |
| 第三相 | 僧波羅蜜 | 如來智無分別相 | 復次，佛子！譬如四大海水，悉能澤潤四天下地，八十億小洲，若有眾生於彼諸處方便求水，無往不得，而彼大海不作是念：我能資給諸眾生水。 如來智慧大海亦復如是，悉能澤潤一切眾生心，彼諸眾生各於法門修習善根，皆得智慧光明，而如來不作是念：我能悉與眾生智慧。佛子！是為菩薩摩訶薩第三勝行，知、見如來、應供、等正覺心。 |
| 第四相 | 精進波羅蜜 | 大智慧心成就四種大智寶珠 | 復次，佛子！譬如大海有四種寶珠；此四種寶悉生海中，一切眾寶若無此寶，海中眾寶悉皆滅失。何等為四？一、名眾寶積聚，二、名無盡寶藏，三、名遠離熾然，四、名一切莊嚴聚，是為四寶。 佛子！此四種寶，一切阿脩羅、迦樓羅、諸龍神等悉不得見，何以故？娑伽羅龍王密置深寶藏故，此四種寶端嚴方正； |
| | | 四智寶珠福智功德善根眾生善能利益 | 如來、應供、等正覺海亦有四種大智寶珠，出生一切聲聞、緣覺、學、無學智、及諸菩薩智慧大寶。何等為四？ 一、名無染巧妙方便清淨智寶，二、名分別演說有為無為清淨智寶，三、名分別演說一切諸法而不壞法界清淨智寶，四、名應化眾生未曾失時清淨智寶，是為如來大海四種清淨智寶。 佛子！此如來四種清淨智寶一切眾生無能見者，何以故？此四種智慧大寶安置如來微密法寶藏故，菩薩慧光端嚴殊特。佛子！是為菩薩摩訶薩第四勝行，知、見如來、應供、等正覺心。 |
| | | | |
| 第五相 | 禪定波羅蜜 | 禪定能持四智光明 | 復次，佛子！譬如大海有四熾然光明大寶，此四種寶悉能消竭大海無極之水。何等為四？一、名日藏光明大寶，二、名離潤光明大寶，三、名火珠光明大寶，四、名究竟無餘光明大寶。佛子！若大海中無此四寶，四域天下、金剛圍山乃至非想、非非想處皆悉漂沒。 佛子！此日藏光明大寶能變海水悉成為酪，離潤光明大寶能變酪海悉成為酥，火珠光明大寶能悉熾然酥海，究竟無餘光明大寶悉然酥海永盡無餘； |
| | | 依於禪定起四種大智慧寶 | 如來、應供、等正覺海，亦有四種智光摩尼大寶，照諸菩薩具足修習一切眾行，乃至成佛平等智慧。 何等為四？一者、永息一切不善波浪智光大寶，二者、滅一切法愛智光大寶，三者、大慧智光大寶，四者、與如來等無量智光大寶。 |
| | | 捨離三昧味著入如來地 | 佛子！彼菩薩摩訶薩修集菩提時，起無量生死不善波浪，一切諸天、阿脩羅等悉無能止， 如來以息一切不善波浪智光大寶，照耀菩薩不善波浪，令永止息，堅固安住無上三昧； |

附37-4：華嚴經寶王如來性起品之如來心十種相之二

| | | | |
|-----|-------|---------------------|--------------------------------------------------------------------------------------------------------------------------------------------------|
| 第五相 | 禪定波羅蜜 | 依於禪定起大智慧寶捨離三昧味著入如來地 | 以滅一切順法愛智光大寶，滅一切三昧難捨味著； |
| | | | 以大慧智光大寶，滅一切無明淨慧通達； |
| | | | 以與如來等無量智光大寶，以少方便出生如來智慧之地。 |
| | | | 佛子！若無如來四種智光大寶，乃至一菩薩得如來地，無有是處！佛子！是為菩薩摩訶薩第五勝行，知、見如來、應供、等正覺心。 |
| 第六相 | 般若波羅蜜 | 般若虛空普容三界而無分別 | 復次，佛子！譬如從水輪際，上至非想、非非想天一切三千大千世界，依虛空住，謂無色界眾生處、色界眾生處、欲界眾生處。此三界處悉依虛空，而彼虛空無有迫迮； |
| | | | 如來智慧亦復如是，一切聲聞、緣覺、菩薩知有為法智慧，知無為法智慧，如是等一切智慧悉依如來智慧而起，悉依如來智慧而住，如來智慧無有迫迮，何以故？如來智慧無所不至故。佛子！是為菩薩摩訶薩第六勝行，知、見如來、應供、等正覺心。 |
| 第七相 | 方便波羅蜜 | 雪山頂有藥王樹具無盡根 | 復次，佛子！譬如雪山頂有藥王樹，名非從根生非不從生，彼藥王樹從六百八十萬由旬，下極金剛地，水輪際生。佛子！此藥王樹若生根時，閻浮提樹一切根生；若生莖時，閻浮提樹皆悉生莖，若生枝葉華果時，閻浮提樹一切悉生枝葉華果。此藥王樹，根能生莖，莖能生根，是故名曰不從根生非不從根。 |
| | | | 佛子！此藥王樹一切諸處，皆悉生長，唯除二處，所謂地獄深院及水輪中不得生長，而大藥王樹亦不捨生性； |
| | | 善根生長一切智慧 | 如來智慧大藥王樹亦復如是，從一切如來種姓中生，於過去世修習大慈悲等無量無邊功德。堅固正住，不可傾動。三世無量善根智慧，皆悉普覆一切世間，除滅一切惡道眾難，巧方便莖，淨法界枝，諸禪三昧解脫之葉，七覺意華無上解脫果，陀羅尼持初無增減。 |
| | | 究竟無休息故不斷菩薩行故得名無盡 | 佛子！如來智慧大藥王樹，復有異名，名根堅固不壞。何以故？不捨不斷菩薩眾行，是故其根名曰不壞。 |
| | | | 彼如來智慧大藥王樹初生根時，一切菩薩悉生大慈悲根，未曾捨離一切眾生；初生莖時，一切菩薩皆悉生長堅固精進正直心莖；初生枝時，一切菩薩生長一切波羅蜜枝；初生葉時，一切菩薩生長一切淨戒威儀頭陀功德之葉；初生華時，一切菩薩善根莊嚴相好華敷；初生果時，一切菩薩得無生忍受佛記果。（大藥王樹六種生長） |
| 第八相 | 願波羅蜜 | 智慧平等悉皆明達 | 佛子！如來智慧大藥王樹，唯除二處不得生長，所謂：聲聞、緣覺、涅槃、地獄、深院及諸犯戒、邪見、貪著、非法器等，而如來樹非不生長，其餘一切應受化者皆悉生長，而如來智慧大藥王樹不增不減。佛子！是為菩薩摩訶薩第七勝行，知、見如來、應供、等正覺心。 |
| | | | 復次，佛子！譬如火劫起時，三千大千世界，一切所有大地草木金剛圍山，皆悉熾然燒盡無餘。設有一人若以乾草投彼火中，寧得不然？答言：不也，無不燒盡。 |
| | | | 佛子！彼所投草猶可不盡。如來智慧於一切眾生、一切佛刹、一切劫數、一切諸法無不悉知，若有不知，無有是處。何以故？如來智慧不可破壞悉明達故。佛子！是為菩薩摩訶薩第八勝行，知、見如來、應供、等正覺心。 |

附37-4：華嚴經寶王如來性起品之如來心十種相之三

| | | | |
|----------|----------|----------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------|
| 第九相 | 力波羅蜜 | 世間風起能壞世界 | 復次，佛子！譬如風災壞世界時，有大風起，名曰壞散，悉能壞散磨滅大千世界金剛圍山一切萬物。爾時，三千大千世界外復有風起，名障壞散風災，不令風災得至餘方。佛子！若無此障風，十方無量無邊阿僧祇世界無不散滅； |
| | | 大智之風安住究竟 | 如來、應供、等正覺亦復如是，有大智風，名曰散滅一切煩惱，悉能散滅一切菩薩煩惱習氣。如來復有巧方便智風，能持一切菩薩，不令究竟盡滅墮於聲聞、辟支佛地。菩薩摩訶薩得此巧方便智風力故，能過聲聞、辟支佛地，究竟佛地。佛子！是為菩薩摩訶薩第九勝行，知、見如來、應供、等正覺心。 |
| 第十相 | 智波羅蜜 | 一切眾生皆有如來智慧德相 | 復次，佛子！如來智慧無處不至。何以故？無有眾生無眾生身、如來智慧不具足者。但眾生顛倒不知如來智，遠離顛倒，起一切智、無師智、無礙智。 |
| | | | 佛子！譬如有一經卷如一三千大千世界，大千世界一切所有無不記錄。若二千世界等，悉記二千世界中事。小千世界等，悉記小千世界中事。四天下等，悉記四天下事。須彌山王等，悉記須彌山王事。地天宮等，悉記地天宮殿中事。欲天宮等，悉記欲界天宮殿中事。色天宮等，悉記色界天宮殿中事。若無色天宮等，悉記無色界天宮殿中事。彼三千大千世界等經卷在一微塵內，一切微塵亦復如是。 |
| | | 破彼微塵以出經卷 | 時，有一人出興於世，智慧聰達，具足成就清淨天眼，見此經卷在微塵內，作如是念：云何如此廣大經卷在微塵內而不饒益眾生耶？我當勤作方便，破彼微塵，出此經卷，饒益眾生。爾時，彼人即作方便，破壞微塵，出此經卷，饒益眾生。 |
| | | | 佛子！如來智慧無相，智慧無礙，智慧具足，在於眾生身中，但愚癡眾生顛倒想覆，不知、不見、不生信心。 |
| | 廣利眾生證得智慧 | 爾時，如來以無障礙清淨天眼觀察一切眾生。觀已，作如是言：奇哉！奇哉！云何如來具足智慧在於身中而不知見？我當教彼眾生覺悟聖道，悉令永離妄想顛倒垢縛，具見如來智慧在其身內，與佛無異。如來即時教彼眾生修八聖道，捨離虛妄顛倒；離顛倒已，具如來智，與如來等，饒益眾生。佛子！是為菩薩摩訶薩第十勝行，知、見如來、應供、等正覺心。 | |
| 普賢菩薩結會 | | | 佛子！菩薩摩訶薩有如是等無量無數諸勝妙行知、見如來、應供、等正覺心。爾時，普賢菩薩欲重明此義，以偈頌曰：（三十七偈，結構依八十華嚴） |
| 重說十種知如來心 | 佛 | | 欲知如來心，應解最勝智，如來智無量，最勝心亦然。 |
| | | | 十方諸世界，一切眾生類，皆悉依虛空，虛空無所依。 |
| | | | 一切法界中，眾生種種樂，方便巧智術，依最勝智起。 |
| | | | 一切諸智慧，悉依善逝智，如來最勝智，寂然無所依。 |
| | 法 | | 聲聞緣覺乘，解脫智慧果，悉從法界起，法界無增減。 |
| | | | 最勝智如是，能起一切智，學智無學智，了達有無智。 |
| | | | 善逝無上智，出生一切智，非生非不生，皆悉無增減。 |
| | 僧 | | 譬如大海水，澤潤一切地，眾生善方便，求水無不得。 |
| | | | 大海地無念，我與眾生水，大海無增減，方便求悉得。 |
| | | | 十方諸世界，一切群生類，善逝智慧海，皆悉能潤澤。 |
| | | 各各勤方便，修習諸法門，一切修行者，疾得智慧光。 | |

附37-4：華嚴經寶王如來性起品之如來心十種相之四

| | | |
|---------------|----|--------------------------|
| 重說十種譬喻之十種知如來心 | 精進 | 如娑伽龍王，有四妙寶珠，密置深寶藏，眾生無能見。 |
| | | 端嚴而方正，常住於大海，因此四摩尼，生出一切寶。 |
| | | 最勝四種智，無量不可稱，出生一切眾，無量諸智慧。 |
| | | 安住大乘藏，無量德莊嚴，除受記菩薩，一切莫能見。 |
| | 禪定 | 譬如大海中，有四摩尼寶，光焰甚猛熱，能消大海水。 |
| | | 若無此四寶，天地悉漂沒，大海無增減，四域皆安住。 |
| | | 如來四種智，無量不可稱，能止諸菩薩，不善根波浪。 |
| | 般若 | 一切三世間，欲色無色界，離我及我所，安住於虛空。 |
| | | 善逝智亦然，一切智根本，聲聞學無學，及諸緣覺智。 |
| | | 菩薩普饒益，無量甚深智，悉依如來智，如來智無依。 |
| | 方便 | 如彼雪山頂，有大藥王樹，名不從根生，非不從根生。 |
| | | 由此藥王樹，生長因緣故，悉生閻浮提，一切諸樹林。 |
| | | 彼樹根生時，一切樹根生，莖枝葉華實，一切亦如是。 |
| | | 清淨甚深智，如來性中生，依因如來智，出生修行智。 |
| | | 一切菩薩行，無量諸功德，如來智樹王，平等心地生。 |
| | 願 | 譬如劫盡時，猛盛大火災，設人投乾草，猶可燒不盡。 |
| | | 善逝清淨智，無量無有邊，悉能分別知，三世眾生類。 |
| | | 又知一切劫，一切諸佛刹，如是無量法，如來悉了知。 |
| | 力 | 譬如劫盡時，風災名壞散，能壞諸大地，金剛及須彌。 |
| | | 刹外有風起，名曰障散壞，若無此風者，十方悉磨滅。 |
| | | 十力亦如是，智慧風無量，皆悉能散滅，菩薩諸煩惱。 |
| | | 如來方便智，攝取諸菩薩，過聲聞緣覺，安住如來地。 |
| | 智 | 譬如微塵內，有一大經卷，三千世界等，無益眾生類。 |
| | | 爾時有一人，出興於世間，破塵出經卷，饒益一切世。 |
| | | 如來智如是，眾生悉具有，顛倒妄想覆，眾生不知見。 |
| | | 如來教眾生，修習八聖道，除滅一切障，究竟成菩提。 |

(返回第407頁)

附37-5：華嚴經寶王如來性起品之知如來境界及如來行之一

| | | |
|----------------|--------------|-----------------------------------------------------------------------------------------------------------------------------------------------------------------------------------------------------------------------------------------------------------------------------|
| 云何知如來境界（禪定波羅蜜） | 設問 | 佛子！云何菩薩摩訶薩知、見如來、應供、等正覺境界？（禪定波羅蜜） |
| | 知自性地境界無量 | 以無障礙智慧知如來無量境界 此菩薩摩訶薩成就無量無邊無礙智慧，知一切眾生，是如來境界。一切世間、一切刹、一切法、一切眾生行，如如不壞境界、無礙法界境界、實際無際境界、無量虛空境界、非境界境界，是如來境界。（知十種境界） |
| | | 佛子！一切眾生無量故，如來境界無量；一切世間無量故，如來境界無量；乃至非境界境界無量故，如來境界無量；非境界至一切處而無所至，如來境界亦復如是。（同上，十種如來境界無量） |
| | 如來境界從往昔大願所生起 | 佛子！菩薩摩訶薩知心境界是如來境界。如心境界無量故，如來境界無量。何以故？隨心無量，出生智慧亦復如是。 |
| | | 佛子！譬如大龍隨心降雨，雨不從內亦不從外；如來境界，亦復如是，隨心所念，於念念中出生無量不思議智。彼諸智慧，悉無來處。佛子！一切大海水皆從龍王心願所起；如來智海亦復如是，悉從大願力起。 |
| | 知自性地入世間境界無量 | 四智兩萬五千河流相續不絕流入大海 佛子！如來智海無量無邊，不可言說、不可思議。我說小喻，汝今諦聽：佛子！此閻浮提內流出二千五百河水，悉入大海。俱耶尼內流出五千河水，悉入大海。弗婆提內流出八千四百河水，悉入大海。鬱單越內流出一萬河水，悉入大海。 |
| | | 佛子！此四天下內如是二萬五千九百河水，悉入大海。佛子！於意云何此水多少？答言：甚多。 |
| | | 十大龍王等八十億龍王雨大海水，娑伽羅龍王太子為上 佛子！復有十光明龍王，雨大海中，悉過前水。百光明龍王，雨大海中，復悉過前。大莊嚴龍王，雨大海中，復悉過前。摩那斯龍王，雨大海中，復悉過前。大雷龍王，雨大海中，復悉過前。難陀跋難陀龍王，雨大海中，復悉過前。無量光明龍王，雨大海中，復悉過前。流注不斷龍王，雨大海中，復悉過前。大勝龍王，雨大海中，復悉過前。金剛光明龍王，雨大海中，復悉過前。佛子！如是等八十億龍王，各雨大海，展轉過前。娑伽羅龍王太子，名曰佛生，雨大海中，復悉過前。（八十億等龍王竭其所雨） |
| | | 八十億龍王等宮殿中水流入大海 佛子！彼十光明龍王所住淵池，流入大海，復悉過前。百光明龍王所住淵池，流入大海，復悉過前。大莊嚴龍王所住淵池，流入大海，復悉過前。摩那斯龍王所住淵池，流入大海，復悉過前。大雷龍王所住淵池，流入大海，復悉過前。難陀跋難陀龍王所住淵池，流入大海，復悉過前。無量光明龍王所住淵池，流入大海，復悉過前。流注不斷龍王所住淵池，流入大海，復悉過前。大勝龍王所住淵池，流入大海，復悉過前。金剛光明龍王所住淵池，流入大海，復悉過前。如是等廣說，乃至娑伽羅龍王太子所住淵池，流入大海，復悉過前。（八十億等龍王竭其住處） |
| | | 娑伽羅龍王所雨大海無量常不失時 佛子！如彼十龍王及八十億龍王，乃至娑伽羅龍王太子，雨大海中及其淵池，皆悉不及娑伽羅龍王所雨大海；娑伽羅龍王所住淵池，涌出流入大海倍復過前。彼涌流水青瑠璃色，盈滿大海，涌出有時。是故，海潮常不失時。（娑伽羅龍王所雨大海最上） |
| | | 佛子！如是大海，其水無量、珍寶無量、眾生無量、大地無量。 |
| | | 如來智海四種無量 佛子！於意云何彼大海水為無量不？答言：實爾。其水深廣，不可為喻。 |
| | | 佛子！如是海水深廣無量，於如來無量智海，百分不及其一，乃至不可為譬；但隨所應化，為作譬喻。 |

附37-5：華嚴經寶王如來性起品之知如來境界及如來行之二

| | | | | |
|---------|-------|----------|----------------------------------------------------------------------------------------------------------------------------------------------------------------|--------------------------|
| 云何知如來境界 | 入世間無量 | 如來智海四種無量 | 佛子！菩薩摩訶薩知、見如來智海，深廣無量。從初發心乃至不斷菩薩無量行故，知、見道品寶無量不斷三寶故，知、見無量眾生歡喜長養一切聲聞、學、無學及緣覺故，知、見大地無量從歡喜地乃至究竟無礙智地故。佛子！是為菩薩摩訶薩知、見如來、應供、等正覺境界，無量饒益一切眾生無量智慧故。（智海無量，寶聚無量，所住眾生無量，住地無量） | |
| | 說偈結會 | | 爾時，普賢菩薩欲重明此義，以偈頌曰： | |
| | 無量境界 | 自性地成就 | 佛 | 離垢淨境界，無量不可稱，殊勝願力故，一切無有量。 |
| | | | | 譬如心境界，無量無有邊，一切諸十力，境界亦如是。 |
| | | | 法 | 譬如大龍王，不離於本處，以心願力故，其雨無有量。 |
| | | | | 雨水無從來，亦無有去處，龍王願力故，隨心雨無量。 |
| | | 僧 | | 一切十方刹，十力亦如是，本無所從來，去亦無所至。 |
| | | | | 無量諸境界，悉從心緣起，一切諸法界，皆入一毛道。 |
| | | 入世間成就 | | 譬如大海水，無量無有邊，眾生及珍寶，大地亦無量。 |
| | | | | 海水常湛然，皆悉同一味，隨眾生受用，其味各不同。 |
| | | | | 最勝亦如是，智慧海無量，三寶最勝故，是故寶無量， |
| | | | | 聲聞學無學，辟支佛無量，具修無上道，故說地無量。 |

附37-5：華嚴經寶王如來性起品之知如來境界及如來行之三

| | | | |
|---------------|-----------|------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------|
| 云何知如來行（般若波羅蜜） | 設問 | | 佛子！云何菩薩摩訶薩知、見如來、應供、等正覺行？（般若波羅蜜） |
| | 自性地般若智如來行 | 無礙真如行無有住處 | 此菩薩摩訶薩知、見如來無礙行、如如行，是如來行如如，過去不滅，未來不至，現在不起，如來行亦如是，不滅、不至、不起。佛子！譬如法界無量無縛。何以故？法界無身故。如來行亦如是，無量無縛。何以故？如來行無身故。 佛子！譬如鳥飛虛空，經百千年所遊行處不可度量；未遊行處亦不可量。何以故？虛空無分齊故。如來、應供、等正覺行亦復如是，若使有人於百千億那由他劫，分別解說如來之行；已解說者不可限量，未解說者亦不可量。何以故？如來行無分齊故。佛子！如來、應供、等正覺，住如來住，無所住故；而能普為一切眾生，示現開導如來之行，眾生見已出過一切諸障礙道。 |
| | | 住無礙行佛眼觀察令成熟者置佛法中 | 佛子！譬如金翅鳥王，飛行虛空，安住虛空，以清淨眼觀察大海龍王宮殿，奮勇猛力，以左右翅博開海水，悉令兩闢，知龍男女有命盡者，而撮取之。如來、應供、等正覺金翅鳥王亦復如是，安住無礙虛空之中，以清淨眼觀察法界諸宮殿中一切眾生，若有善根已成熟者，奮勇猛十力、止觀兩翅，博開生死大愛海水，隨其所應出生死海，除滅一切妄想顛倒，安立如來無礙之行。 |
| | | 性本空寂無有分別示現遊行一切法界 | 佛子！譬如日月周行虛空，不作是念：我行虛空從何所來？去至何所？如來亦復如是，周行無礙解脫虛空，分別一切法界，饒益一切眾生，廣作佛事，如來不作是念：我有去來。佛子！菩薩摩訶薩以如是等無量無邊勝行，知、見如來、應供、等正覺行。 |
| | 說偈結會 | | 爾時，普賢菩薩欲重明此義，以偈頌曰： |
| | 無量境界 | 佛 | 譬如如無盡，無生亦無滅，亦無有方處，求之不可見。 |
| | | | 如來亦如是，境界不可量，遠離於三世，其性悉如如。 |
| | | 法 | 譬如諸法界，非界非不界，非有亦非無，非量非無量。 |
| | | | 功德持如是，所行不可量，非有亦非無，其身本無故。 |
| | | 僧 | 如鳥飛虛空，經由百千年，行處未行處，皆悉不可量。 |
| | | | 若人百千劫，演說如來行，已說及未說，皆悉不可量。 |
| | | 入世間成就 | 譬如金翅鳥，安住於虛空，觀察龍王宮，撮取其男女。 |
| | | | 十力亦如是，安住如來行，善根純熟者，令出煩惱海。 |
| | | | 譬如淨日月，周行於虛空，安樂一切眾，不念我能爾。 |
| | | | 如來亦如是，遊行諸法界，度脫一切眾，不念我能度。 |

(返回第407頁)

附37-6：華嚴經寶王如來性起品之知如來成正覺之一

| 設問 | | 佛子！云何菩薩摩訶薩知、見如來、應供、等正覺菩提？（方便波羅蜜） |
|-----------------|--------------|----------------------------------------------------------------------------------------------------------------------|
| 云何知如來成正覺（方便波羅蜜） | 如來自性地佛波羅蜜 | 無所疑惑於一念中悉知三世一切諸法 |
| | | 此菩薩摩訶薩知、見菩提，解一切義，滅除疑惑，不二等覺，無相、無行、無退、無量、無邊、無縛、無脫，遠離二邊知處非處；知一切字一切語言法，知一切眾生心心所行，知一切根煩惱習性，於一念中悉知三世一切諸法。 |
| | 得十三種身 | 佛子！譬如大海為一切眾生色像之印，是故大海說名為印；如來、應供、等正覺菩提亦復如是，一切眾生心念諸根，現菩提中，而無所現，故說如來為一切覺。佛子！一切諸佛菩提，一切文字所不能記，一切語言所不能說，不可為譬，但隨所應如來為之分別演說。 |
| | | 佛子！如來、應供、等正覺成菩提時，住佛方便，得一切眾生等身； |
| | | 得一切法等身； |
| | | 得一切剎等身； |
| | | 得一切三世等身； |
| | | 得一切如來等身； |
| | | 得一切諸佛等身； |
| | | 得一切語言等身； |
| | | 得一切法界等身； |
| | | 得虛空界等身； |
| | | 得無礙法界等身； |
| | | 得出生無量界等身； |
| | | 得一切行界等身； |
| | | 得寂滅涅槃界等身。 |
| | 如來自性地法波羅蜜 | 見一切眾生成正覺入於涅槃 |
| | | 佛子！隨如來所得身，當知音聲及無礙心亦復如是，如來具足如是等三種清淨無量。佛子！如來身中，悉見一切眾生發菩提心，修菩薩行，成等正覺，乃至見一切眾生寂滅涅槃，亦復如是，皆悉一性。 |
| 自性地 | 若成正覺不成正覺常無增減 | 以無性故；無相、無盡、無生、無滅故；我、非我性故；眾生、非眾生性故；覺、無所覺故；法界無自性故；虛空界無自性故；如是等覺一切無性無盡智、自然智，一切如來無極大悲度脫眾生。 |
| | | 佛子！譬如虛空界，世界若成、若敗，常無增減。何以故？虛空無生滅故。如來、應供、等正覺菩提，若成、未成，常無增減，一性無性，捨離眾性。 |
| | 菩提無相無增無減 | 佛子！設有一人出興於世，彼能化作恒沙等心。彼一一心，悉能化作恒沙如來，無色、無形，如是恒沙等劫，常化不絕。於意云何？彼化如來寧為多不？答曰：我知仁意，若化、不化，等無有異。 |
| | | 善哉！善哉！佛子！誠如所言。佛子！設使一切眾生於一念中，悉成正覺，若成、未成，皆悉平等。何以故？菩提無性故。無增無減，如來菩提皆悉一性，所謂：無性。佛子！是為菩薩摩訶薩知、見如來、應供、等正覺菩提。 |
| 自性地 | 一切皆成正覺身無有量 | 佛子！如來、應供、等正覺，成正覺已，正受三昧，名曰善覺。正受三昧已，得菩提身數，與一切眾生身等。如一三昧，一切三昧、一切法門，亦復如是。佛子！是為菩薩摩訶薩知、見如來、應供、等正覺菩提身。 |

附37-6：華嚴經寶王如來性起品之知如來成正覺之二

| | | | | |
|-----------------|---------|--------------|--------------------------|--------------------------------------------------------------------------------------------------------------------------|
| 云何知如來成正覺（方便波羅蜜） | 自性地僧波羅蜜 | 遍一切處以種種身成等正覺 | | 復次，佛子！菩薩摩訶薩於一毛道，悉知一切眾生等如來之身；如一毛道，一切毛道、一切法界處亦復如是。何以故？如來菩提身，無處不至、無處不有故。如來、應供、等正覺本求菩提，勤修精進，往詣道場菩提樹下，處師子座，成最正覺，究竟菩提。 |
| | | 不離此心而成正覺 | | 復次，佛子！此菩薩摩訶薩自知身中悉有一切諸佛菩提。何以故？彼菩薩心不離一切如來菩提故。如自心中，一切眾生心中，亦復如是，無量無邊，無處不有，不可破壞，不可思議。佛子！菩薩摩訶薩以如是等無量無邊不可思議方便法門，知、見如來、應供、等正覺菩提。 |
| | 說偈結會 | | | 爾時，普賢菩薩欲重明此義，以偈頌曰： |
| | 正覺地方便 | 自性地成就 | 佛 | 菩提非二法，遠離於二邊，除滅一切惡，平等覺諸法。 |
| | | | | 了達一切法，皆悉如虛空，非我非無我，等覺一切法。 |
| | | | 法 | 譬如諸大海，一切眾生類，色像悉顯現，故說一切印。 |
| | | | | 十方世界中，一切眾生類，無上菩提海，無法而不現。 |
| | | 僧 | 譬如虛空性，世界成壞時，若成若未成，虛空無增減。 | |
| | | | 最勝亦如是，無上菩提道，若覺若未覺，一性亦無性。 | |
| | | 入法界成就 | 佛 | 譬如無量劫，念念化諸佛，若化若不化，皆悉等無異。 |
| | | | | 設一切眾生，一時成正覺，若成若未成，菩提無增減。 |
| | | | 法 | 最勝有三昧，名曰為善覺，道場成菩提，逮得此三昧。 |
| | | | | 普放無量光，一切眾生等，除滅一切闇，開悟諸群生。 |
| | | | 僧 | 三世一切劫，佛刹及諸法，諸根心心法，一切虛妄法。 |
| | | | | 於一佛身中，此法皆悉現，是故說菩提，無量無有邊。 |

(返回第407頁)

附37-7：華嚴經寶王如來性起品之知如來轉法輪

| | | | | | |
|----------------|-----------|--------------------------|-------------------------------------------------------------------------------------------------------------------------------------------------------|----------------------------------------------|--|
| 云何知如來轉法輪（願波羅蜜） | 設問 | | | 佛子！云何菩薩摩訶薩知、見如來、應供、等正覺轉法輪？（願波羅蜜） | |
| | 如來自性地佛波羅蜜 | 以十種法而轉法輪 | 佛 | 此菩薩摩訶薩知、見如來一切願、一切法，轉無所轉，本無所起，（此處經文結構請參見八十華嚴） | |
| | | | 法 | 三轉圓滿，皆悉清淨，悉能遠離一切邪見， | |
| | | | 僧 | 離欲際非際。一切諸法，如虛空際。 | |
| | | | 精進 | 不可言說，一切法寂滅涅槃性故； | |
| | | | 禪定 | | |
| | | | 般若 | 菩薩摩訶薩知、見一切文字，一切語言法，悉轉法輪，如來音聲無所不至故； | |
| | | | 方便 | 知、見法輪如響，真實法性故； | |
| | | | 願 | 知、見一切音聲皆是一聲，如來以此而轉法輪，佛轉法輪無有主故； | |
| | | | 力 | | |
| | | | 智 | 知、見轉法輪無漏無盡，內外無所有故。 | |
| | 自性地法波羅蜜 | 如來法輪入一切語言文字而無所住 | 佛子！譬如文字，於無量無數劫說不可盡；如來、應供、等正覺轉法輪，亦復如是，一切文字，一切語言，說不可盡。如來法輪悉入一切語言、文字而無所住。 | | |
| | | | 佛子！譬如字章，悉入一切字數、一切事數、一切語言數、一切算數、一切世間、出世間而無所住。如來音聲亦復如是，於一切處，無所不入，於一切眾生、一切法、一切業、一切報、一切心，亦無所住。一切眾生諸語言法，皆為法輪音聲所攝。何以故？一切音聲不離法輪音聲故。 | | |
| | 自性地僧波羅蜜 | 隨一切眾生心行樂欲出音聲而轉法輪 | 復次，佛子！此菩薩摩訶薩知、見如來、應供、等正覺出生法門轉法輪。何等為如來出生法門轉法輪？如來以一切眾生念念心心行等音聲，為一切眾生而轉法輪。何以故？ | | |
| | | | 佛子！如來、應供、等正覺有三昧，名曰究竟無礙無畏，如來正受三昧，而轉法輪。如來入此三昧已，出生一切眾生等音，於一一音中，復生一切眾生等音，而轉法輪，悉令眾生皆大歡喜。佛子！若如是知轉法輪者，當知是人，則為隨順一切佛家，不如是知，則不隨順諸如來家。佛子！是為菩薩摩訶薩知、見如來、應供、等正覺轉法輪。 | | |
| | 說偈結會 | | | 爾時，普賢菩薩欲重明此義，以偈頌曰： | |
| | 如來轉法輪 | 自性地成就 | 佛 | 如來轉法輪，三世無不至，所轉無所轉，求之不可得。 | |
| | | | | 譬如諸文字，說之不可盡，十力亦如是，轉法輪無盡。 | |
| | | | 法 | 譬如章文字，悉入一切數，所入無所入，法輪亦如是。 | |
| | | | | 普入一切音，所入無所入，彼亦無自性，能令一切喜。 | |
| | | | | 出過一切數，究竟成菩提，欲說真實義，是故入三昧。 | |
| | | 僧 | 以彼三昧力，出生妙音聲，悉與眾生等，而轉法輪。 | | |
| | | | 入法界成就 | 又復悉於彼，一一諸音聲，出生無量音，眾生語言法。 | |
| | | 大自在無念，我出彼眾音，隨其受化者，一切無不聞。 | | | |
| | | 譬如諸文字，不內亦不外，無漏不可盡，亦復無積聚。 | | | |
| | | 十力亦如是，轉清淨法輪，無漏不可盡，諸佛大神力。 | | | |
| | | | | | |

（返回第407頁）

附37-8：華嚴經寶王如來性起品之知如來般涅槃之一

| | | | | |
|---------------|------------------|------------------------------------------------------------------------------------------------------------|-----------------------------------------------------------------------------------------------------------------------|----------------------------|
| 云何知如來涅槃（力波羅蜜） | 設問 | | 佛子！云何菩薩摩訶薩知、見如來、應供、等正覺大般涅槃？（力波羅蜜） | |
| | 如來自性地佛波羅蜜涅槃 | 如來得十種涅槃 | 此菩薩摩訶薩欲知、見如來、應供、等正覺大般涅槃者， | |
| | | | 佛 | 當如是知如如般涅槃，如來大般涅槃亦復如是。 |
| | | | 法 | 如實際、 |
| | | | 僧 | 如法界、 |
| | | | 精進 | 如虛空界、 |
| | | | 禪定 | 如實性、 |
| | | | 般若 | 如離欲際、 |
| | | | 方便 | 如無相際、 |
| | | | 願 | 如我性際、 |
| | | | 力 | 如一切法性際、 |
| | | | 智 | 如真實際般涅槃，如來大般涅槃亦復如是。 |
| | | | | 何以故？涅槃非生滅法，若法不生，當知不滅，去無所至。 |
| | 不說涅槃亦不示現 | 佛子！如來、應供、等正覺不為菩薩演說顯現如來究竟涅槃。 | | |
| | | 何以故？欲令諸菩薩於一念中，普見三世一切諸佛悉現前故。出生一切如來妙色，亦復不起二不二想。何以故？菩薩摩訶薩遠離諸想，無染著故。 | | |
| | 如來常住清淨法界隨眾生心示現涅槃 | 佛子！但如來欲令眾生歡喜，故出現於世；欲令眾生憂悲感慕，故示現涅槃。其實如來無有出世，亦無涅槃。何以故？如來常住如法界故；為化眾生，示現涅槃。 | | |
| | | 佛子！設有日出照現世間，圓滿明淨與法界等，於一切世界淨水器中，影無不現。日無是念：我能普現一切淨水。佛子！彼時或有一水器破，日影不現。於意云何？彼影不現，豈日過耶？答曰：不也！水器破，故日影不現。 | | |
| | | 佛子！如來智慧圓滿淨日，一念出現，悉能照明一切世界、一切法界、一切眾生，滅除垢濁，淨心水器，影無不顯，常現在前；但破器濁心眾生，不見如來法身影像，應見涅槃而得度者。是故，如來現般涅槃，其實如來不生不滅，永無滅度。 | | |
| | 如來地法實無有涅槃 | 佛子！譬如大火，於一切世界能為火事，焚燒草木無不盡者。有時彼火至無草木城邑聚落，自然而滅。於意云何？一切世間火悉滅不？答曰：不也！ | | |
| | | 如來、應供、等正覺亦復如是，於一切世界施作佛事，或一佛刹化度已周，示現涅槃。於意云何？一切世界如來悉滅度耶？答曰：不也！佛子！是為菩薩摩訶薩知、見如來、應供、等正覺大般涅槃。 | | |
| | 法波羅蜜涅槃 | 善知無量智慧方便隨眾生心示現涅槃 | 復次，佛子！如大幻師，善知幻術。安住此術，於三千大千世界、一切城邑聚落、大王之都；普現幻身，住持幻身，壽命無盡。時，此幻師於彼城邑聚落、大王之都，隨事訖處，便捨幻身。於意云何？為三千大千世界幻身悉捨滅耶？答曰：不也！ | |
| | | | 如來、應供、等正覺亦復如是，善知大慧幻術，具足出生巧方便慧，於一切法界普能示現如來幻身，常住如法界，究竟如虛空，隨諸佛刹教化度脫，已周訖處，示現涅槃；當知不以一佛刹示現涅槃故，如來究竟永滅度也。佛子！是為菩薩摩訶薩知、見如來大般涅槃。 | |

附37-8：華嚴經寶王如來性起品之知如來般涅槃之二

| | | | | |
|---------------|--------|----------|---------------------------------------------------------------------------------------------------------------------------------------|--------------------------|
| 云何知如來涅槃（力波羅蜜） | 僧波羅蜜涅槃 | 法界涅槃究竟安住 | 復次，佛子！如來示現般涅槃時，先入不動三昧。入三昧已，於一一身各放無量億千那由他大光：一一光明各出無量阿僧祇妙寶蓮華；一一蓮華各有不可說不可說妙寶華鬚；一一華鬚各有寶師子座；一一座上各有如來結跏趺坐。彼時所現諸如來身，悉與一切眾生數等。功德具足，相好莊嚴，究竟本願。 | |
| | | | 時，有眾生善根熟者見如來，身心皆調伏稟受道化，彼如來身究竟安住，盡未來際，隨一切眾生所應受化，未曾失時。彼如來身無有處所，非實非虛。如來但欲究竟過去諸大願故；欲令眾生長養諸善根故；應現其身常住不滅。佛子！是為菩薩摩訶薩知、見如來、應供、等正覺大般涅槃。 | |
| | | 住於法界無生無滅 | 復次，佛子！此菩薩摩訶薩知、見如來涅槃無量無邊究竟法界無所障礙，不生、不滅，淨如虛空，安住實際，隨其所應而示現之。本願所持，不捨一切眾生、一切佛刹、一切諸法。 | |
| | 說偈結會 | | 爾時，普賢菩薩欲重明此義，以偈頌曰： | |
| | 如來地涅槃 | 自性地 | 佛 | 譬如圓滿日，一切法界等，影現一切水，唯除諸破器。 |
| | | | | 最勝亦如是，普現一切世，眾生無信心，謂佛入涅槃。 |
| | | | 法 | 譬如猛盛火，焚燒一切物，無草木聚落，火則自然滅。 |
| | | | | 最勝亦如是，充滿於法界，究竟諸佛事，示現入涅槃。 |
| | | 入法界 | 僧 | 譬如大幻師，示現無量身，如來亦如是，普現一切身。 |
| | | | | 究竟諸佛事，示現般涅槃，隨應受化者，以此而示現。 |
| | | | 佛 | 最勝有三昧，名曰不可動，究竟佛事已，然後入此定。 |
| | | | | 念出無數佛，又放無量光，光有無量華，華有無量佛。 |
| | | 法 | 僧 | 最勝無量身，充滿諸法界，積集功德者，一切無不見。 |
| | | | | 善逝淨法身，無量法界等，壽命淨莊嚴，一切悉具足。 |
| | | 僧 | | 猶如無生性，如來興亦然，猶如無生性，涅槃亦如是。 |
| | | | | 悉離語言道，不可為譬喻，天中天難勝，具足一切德。 |

(返回第407頁)

附37-9：華嚴經寶王如來性起品之知於如來見聞親近所種善根之一

| | | | |
|-------------------|-----------|------------------------|--------------------------------------------------------------------------------------------------------------------------------------------------------------------------------------------|
| 云何知見聞親近所種善根（智波羅蜜） | 設問 | | 佛子！云何菩薩摩訶薩知、見於如來、應供、等正覺所見聞恭敬供養所種善根？（智波羅蜜） |
| | 知佛波羅蜜所種善根 | 所種善根功德不虛 | 此菩薩摩訶薩知、見於如來所見聞恭敬供養所種善根，皆悉不虛，功德無盡；離一切愛，究竟解脫，果報不虛，滿足諸願，於一切有為法中，不可窮盡，而能隨順無為智慧，起諸佛智究竟未來際，具足一切諸如來地。 |
| | | 善根不與諸煩惱共 | 佛子！譬如丈夫食少金剛，終竟不消要從身過；至金剛輪際，然後乃住。所以者何？以彼金剛不可消故如是。佛子！於如來所少植善根，能壞一切有為煩惱，乃至究竟如來涅槃智慧，然後乃住。所以者何？於如來所植諸善根不可盡故。 |
| | | 所種善根性究竟 | 佛子！譬如須彌山等大乾草聚，若有人持如芥子火，悉能燒盡。何以故？火性悉能燒故。佛子！於如來所種少善根亦復如是，悉能燒滅一切煩惱，無有遺餘，究竟涅槃。何以故？於如來所種諸善根性究竟故。 |
| | 知法波羅蜜所種善根 | 如來無上藥王能作一切饒益眾生若得見者六根清淨 | 佛子！譬如雪山有大藥王，名曰善現，若有見者，眼得清淨；若有聞者，耳得清淨；若聞香者，鼻得清淨；若嘗味者，舌得清淨；若有觸者，身得清淨；若取彼地土，悉能除滅無量眾病，安隱快樂； |
| | | | 如來、應供、等正覺無上藥王亦復如是，常以一切諸方便行饒益眾生。若有得見如來色身，眼得清淨；若有得聞如來名號，耳得清淨；若有得聞如來戒香，鼻得清淨；若有得味如來法味，舌得清淨，得金剛廣長清淨舌根，悉能演說一切言音；若有得觸如來光者，彼人即得清淨色身，究竟逮得無上法身；若有念如來者，得念佛三昧，正念不亂；若有得經卷地如來塔廟，禮拜供養，彼眾生等具足善根，滅煩惱患，得賢聖樂。 |
| | | 見聞佛者皆種善根 | 佛子！乃至不信邪見眾生，見聞佛者，彼諸眾生於見聞中所種善根果報不虛，乃至究竟涅槃，斷一切惡諸不善根，具足善根。佛子！於如來所見聞供養恭敬所種善根不可言說，不可為喻。 |
| | | 得一切善巧而說法令眾生歡喜 | 何以故？如來不可思議，過思議故；但隨所應，佛為作喻。佛子！是為菩薩摩訶薩知、見於如來所見聞恭敬供養種諸善根。 |
| | | | 爾時，諸菩薩摩訶薩白普賢菩薩言：佛子！當何名此經？云何奉持？ |
| | 知僧波羅蜜所種善根 | 此法門唯為趣向大乘菩薩說 | 佛子！此經名為一切諸佛微密法藏。一切世間不能思議，如來所印大智光明開發示現如來種性；長養一切菩薩功德，一切世間無能破壞；隨順一切如來境界，令一切眾生皆悉清淨；分別演說佛究竟法。 |
| | | | 佛子！如是經典，但為乘不思議乘菩薩摩訶薩一向專心求菩提者分別解說，不為餘人。何以故？此經不入一切眾生之手，唯除菩薩。佛子！譬如轉輪聖王所有七寶，因此寶故，行轉輪王法。聖王七寶無堪持者，唯除第一夫人所生太子，具足成就聖王相者。佛子！若轉輪王無此太子具眾德者，王命終後，此諸寶等自然散滅。 |
| | | 入佛之真子之手 | 佛子！此經如是不入一切眾生之手，唯除如來法王真子：從諸如來種姓家生，種如來相諸善根者；若無此等佛之真子，斯經則滅。 |
| | 聞此法門疾得成就 | | 何以故？一切聲聞、緣覺不聞此經，何況受持、書寫、解說，無有是處。唯除菩薩摩訶薩能自誦持、書寫經卷。佛子！是故菩薩摩訶薩聞此經者，歡喜恭敬，頂戴受持。何以故？菩薩摩訶薩信樂此經，少作方便，必決定得無上菩提。 |
| | | | |

附37-9：華嚴經寶王如來性起品之知於如來見聞親近所種善根之二

| | | | | |
|-------------------|--------------------------|----------------------------|--------------------------|----------------------------------------------------------------------------------------------------------------------------|
| 云何知見聞親近所種善根（智波羅蜜） | 知僧波羅蜜所種善根 | 不聞此法 不名菩薩 | | 佛子！菩薩摩訶薩雖無量億那由他劫，行六波羅蜜，修習道品善根，未聞此經，雖聞不信，受持隨順，是等猶為假名菩薩，不從如來種姓家生。 |
| | | 聞已信受 生如來家 | | 佛子！若菩薩摩訶薩得聞此經，聞已信向受持隨順，當知此等為真佛子，從佛家生，隨順一切如來境界，具足一切菩薩正法，安住一切種智境界，遠離一切世間諸法，出生長養如來所行，到一切菩薩諸法彼岸，於如來自在正法心無疑惑，究竟安住無師之地，深入一切如來境界。 |
| | | 聞如來法得十種功德 | | 佛子！菩薩摩訶薩聞此經已， |
| | | | 佛 | 應當發平等意、行無量心， |
| | | | 法 | 遠離一切虛妄之想，究竟直心面對， |
| | | | 僧 | 正念一切如來， |
| | | | 精進 | 修習平等清淨，猶如虛空； |
| | | | 禪定 | 分別觀察一切菩薩行業與法界等， |
| | | | 般若 | 具足成就一切智智， |
| | | | 方便 | 遠離一切世間垢濁，發清淨心，充滿一切十方世界， |
| | | | 願 | 深入一切菩薩法門，平等觀察三世諸佛， |
| | | | 力 | 具足善根功德智慧，深入此等一切諸法，而無所入， |
| | | | 智 | 不念一法，不念二法，悉平等觀無量諸法。 |
| | | 佛子！菩薩摩訶薩成就如是等功德，少作方便，得無師智。 | | |
| | 說偈結會 | | 爾時，普賢菩薩欲重明此義，以偈頌曰： | |
| | 善根利益 | 自性地成就 | 佛 | 若見聞如來，恭敬及供養，所植諸善根，無量不可稱。 |
| | | | | 一切有為中，不可得窮盡，寂滅諸煩惱，離苦得涅槃。 |
| | | | 法 | 譬如有一人，吞服少金剛，究竟不可消，下至金剛際。 |
| | | | | 如是十力所，見聞供養福，具足金剛智，煩惱滅無餘。 |
| | | | 僧 | 譬如乾草積，等彼須彌山，投火如芥子，燒盡悉無餘。 |
| | | | | 如是善逝所，若植少功德，燒滅諸煩惱，正趣到涅槃。 |
| | | 入法界成就 | 譬如雪山中，有大藥王樹，見聞嗅味觸，除滅一切患。 | |
| | 十力亦如是，若有見聞者，修習勝功德，究竟成菩提。 | | | |

（返回第407頁）